

Bosna i Hercegovina
Federacija Bosne i Hercegovine
Kanton Sarajevo
Općina Ilidža
Javna ustanova
Osma osnovna škola
"Amer Ćenanović"



Bosnia and Herzegovina
Federation of Bosnia and Herzegovina
Canton Sarajevo
Municipality of Ilidža
Public Institution
The Eighth primary school
"Amer Ćenanović"

Broj: 38-II-227/15

Datum: 22.06.2015. godine

P R A V I L A

JAVNE USTANOVE

OSMA OSNOVNA ŠKOLA

„AMER ĆENANOVIĆ“ ILIDŽA

Na osnovu člana 37. Zakona o ustanovama («Službeni list R BiH» broj 6/92, 8/93,13/94), člana 24. Zakona o osnovnom odgoju i obrazovanju ("Službene novine Kantona Sarajevo" broj 10/04, 21/06, 26/08, 31/11, 15/13), u skladu sa Jedinstvenim Pravilima za izradu pravnih propisa u institucijama BiH („Službeni glasnik BiH“ broj 11/05), Školski odbor Javne ustanove Osmo osnovna škola „Amer Ćenanović“ Ilidža, na sjednici održanoj dana 22. 06. 2015. godine, donio je

P R A V I L A

JAVNE USTANOVE OSMA OSNOVNA ŠKOLA „AMER ĆENANOVIĆ“ ILIDŽA

I OSNOVNE ODREDBE

Član 1.
(Predmet pravila)

- (1) Osnovna opća akta škole su pravila škole koja donosi školski odbor uz saglasnost ministarstva.
- (2) Ovim Pravilima, kao osnovnim aktima škole, JU Osme osnovne škole „Amer Ćenanović“ Ilidža (u daljem tekstu: Škola), pored pitanja utvrđenih zakonom, uređuje se:
 - a) naziv, sjedište i pečat škole,
 - b) osnivač škole,
 - c) djelatnost škole,
 - d) unutrašnja organizacija škole,
 - e) odgojno-obrazovni rad u školi,
 - f) prava i dužnosti učenika, nastavnika i stručnih saradnika,
 - g) vođenje pedagoške dokumentacije i evidencije,
 - h) stručni organi škole,
 - i) organi upravljanja, rukovođenja i kontrole poslovanja,
 - j) saradnja i način ostvarivanja saradnje škole sa roditeljima učenika,
 - k) način izbora predstavnika roditelja učenika u Školski odbor škole,
 - l) formiranje i rad Vijeća roditelja,
 - m) formiranje i rad Vijeća učenika,
 - n) ostvarivanje javnosti rada škole,
 - o) ostvarivanje prava učenika koji su stekli specijalni status,
 - p) organizacija rada u produženom boravku ili cjelodnevnom boravku u školi,
 - r) sadržaj i oblici društvene, kulturne i sportske aktivnosti škole,
 - s) opći akti koji se donose u školi kao i način njihovog donošenja,
 - t) način napredovanja učenika i završavanje dva razreda za jednu školsku godinu,
 - u) odgojno - disciplinske mjere koje se mogu izreći učenicima, procedura i postupak za utvrđivanje disciplinske odgovornosti učenika, postupnost izricanja,
 - v) disciplinske mjere koje se mogu izreći zaposlenicima i postupak prema nastavniku koji je udaljen iz nastavnog procesa kao i njegov daljnji radnopravni status,
 - z) druga pitanja utvrđena zakonom.
- (3) Terminološko korištenje muškog ili ženskog roda u ovim pravilima podrazumijeva uključivanje oba roda.

Član 2.
(Pravni akti škole)

Pravila škole su osnovni opći akt i svi drugi pravni akti škole koji se donose radi detaljnog pravnog uređivanja pitanja iz člana 1. ovih Pravila ili u vezi s tim pitanjima, moraju biti u skladu sa Zakonom i ovim Pravilima.

II NAZIV, SJEDIŠTE I PEČAT ŠKOLE

Član 3.
(Naziv i sjedište škole)

- (1) Puni naziv škole je: **JAVNA USTANOVA OSMA OSNOVNA ŠKOLA „AMER ĆENANOVIĆ“ ILIDŽA**
- (2) Skraćeni naziv škole je: **JU OSMA OSNOVNA ŠKOLA „AMER ĆENANOVIĆ“ ILIDŽA.**
- (3) Škola može da promijeni naziv i sjedište.
- (4) Odluku o promjeni naziva i sjedišta škole donosi Školski odbor uz prethodnu saglasnost osnivača.
- (5) Sjedište škole je u Ilidži, **Ilirska broj 2.**

Član 4.
(Status škole)

- (1) Škola ima status redovne osnovne škole.
- (2) Škola je kao javna ustanova upisana u Registar osnovnih škola koje vodi Ministarstvo za obrazovanje, nauku i mlade Kantona Sarajevo (u daljem tekstu: Ministarstvo) pod rednim brojem **61. na strani 61. od 01. 09. 2000. godine.**
- (3) Škola je upisana u sudski registar kod nadležnog suda u Sarajevu i danom upisa stekla je svojstvo pravnog lica sa svim pravima propisanim Ustavom, Zakonom i ovim Pravilima.
- (4) Odluke o statusnim promjenama Škole donosi Skupština na prijedlog Vlade.

Član 5.
(Pečat škole)

- (1) Škola ima pečat koji se koristi kao dokaz autentičnosti svakog dokumenta koji škola izdaje.
- (2) Tekst pečata je u skladu sa Zakonom o pečatima, a u sredini je grb Kantona Sarajevo.
- (3) U školi se koriste tri pečata i štambilj i to :
 - a) Pečat okruglog oblika, prečnika 50 mm za ovjeru svjedodžbi i drugih javnih isprava o završenom obrazovanju.

- b) Pečat okruglog oblika, prečnika 30 mm za ovjeru službenih internih dokumenata i dokumenata koji se službeno upućuju drugim pravnim i fizičkim licima.
- c) Pečat okruglog oblika, prečnika 20 mm za ovjeru zdravstvenih knjižica, virmana i drugih finasijskih dokumenata.
- d) Štambilj škole oblika pravougaonika za evidentiranje svih pismena koji se školi upućuju.

Član 6.
(Upotreba i čuvanje pečata škole)

- (1) Upotreba i čuvanje pečata i štambilja škole povjerava se sekretaru škole.
- (2) Izuzetno direktor škole, svojom odlukom može ovlastiti i druga lica za čuvanje i upotrebu pojedinih pečata.

III OSNIVAČ ŠKOLE I PRIHODI

Član 7.
(Osnivač škole)

- (1) Osnivač škole je Kanton Sarajevo (u daljem tekstu: Kanton).
- (2) Potrebe i interesi Kantona u osnovnom odgoju i obrazovanju utvrđeni su Zakonom o osnovnom odgoju i obrazovanju (u daljem tekstu: Zakon).
- (3) Školski odbor donosi odluku o određivanju **22. decembra kao Dana škole.**

Član 8.
(Finansiranje rada škole)

- (1) Rad škole finansira se iz budžeta Kantona na osnovu kriterija za finansiranje.

Član 9.
(Sticanje prihoda škole)

- (1) Škola može sticati prihod :
 - a) donacijom općina,
 - b) donacijom pravnih i fizičkih lica,
 - c) iz legata, poklona i zavještanja,
 - d) prodajom proizvoda, intelektualnih i drugih usluga,
 - e) održavanjem kurseva i instruktivne nastave,
 - f) iz zakupnina,
 - g) iz drugih izvora koji neće dovesti u pitanje etiku i humana načela škole kao odgojno-obrazovne ustanove
- (2) Novac ili sredstva stečena na način iz prethodnog stava ovog člana zasebno se evidentiraju i koriste u skladu sa pozitivnim propisima.

IV DJELATNOST ŠKOLE

Član 10.
(Djelatnost škole)

Djelatnost škole je: **OSNOVNI ODGOJ I OBRAZOVANJE UČENIKA.**
Šifra djelatnosti je: **85.20.**

Član 11.
(Značaj djelatnosti škole)

Osnovni odgoj i obrazovanje učenika je djelatnost od posebnog društvenog interesa.

Član 12.
(Izdavanje dokumenata)

- (1) Škola izdaje svjedodžbe, uvjerenja i druge javne isprave u skladu sa važećim propisima.
- (2) Škola učenicima izdaje učeničku knjižicu kojom se u toku osnovnog školovanja dokazuje status učenika osnovne škole.

V UNUTRAŠNJA ORGANIZACIJA ŠKOLE

Član 13.
(Poslovanje škole i organizacijsko ustrojstvo škole)

- (1) Škola posluje kao jedinstven pravni subjekt .
- (2) Škola uživa određeni stepen autonomije u skladu sa važećim propisima.
- (3) U skladu sa važećim propisima organizacijsko ustrojstvo škole je:
 - a) organ upravljanja
 - b) organ rukovođenja
 - c) organ kontrole poslovanja
 - d) nastavnici, stručni saradnici i saradnici u nastavni
 - e) stručno- administrativni poslovi
 - f) finansijko-računovodstveni poslovi
 - g) pomoćni poslovi.

Član 14.
(Organ rukovođenja u školi)

- (1) Školom rukovodi direktor škole.
- (2) Direktor škole osigurava zakonito i efikasno obavljanje poslova, donosi odluke, rješenja i druge akte za koje je ovlašten i preduzima mjere za koje je ovlašten zakonom, ovim Pravilima i drugim općim aktima škole.

Član 15.
(Zamjena i pomoć u radu direktora)

- (1) U slučaju da direktor škole nije u mogućnosti ispunjavati svoje dužnosti u skladu sa zakonom, ovim Pravilima i drugim općim aktima škole (privremena spriječenost za rad, službeni put i slično) zamjenjuje ga pomoćnik direktora ukoliko je imenovan ili lice koje ovlasti direktor škole.
- (2) Škola ima sekretara škole, koji obavlja upravne, administrativne, normativno-pravne i druge pravne i organizacijske poslove, a čiji su profil i stručna sprema propisani Pedagoškim standardima i normativima.
- (3) Sekretar škole je obavezan polagati stručni ispit.
- (4) Bliže propise o stručnom ispitu sekretara škole donosi ministar.

Član 16.
(Unutrašnja organizacija škole)

- (1) Bliže odredbe o unutrašnjoj organizaciji škole utvrđuju se Pravilnikom o unutrašnjoj organizaciji i sistematizaciji radnih mjesta, koji donosi Školski odbor na prijedlog direktora.
- (2) Pravilnikom o unutrašnjoj organizaciji i sistematizaciji radnih mjesta utvrđuje se naročito:
 - a) naziv poslova sa opisom za svako radno mjesto,
 - b) uvjeti za radna mjesta,
 - c) drugi uvjeti koji osiguravaju efikasno obavljanje poslova iz djelatnosti škole.

VI ODGOJNO - OBRAZOVNI RAD

Član 17.
(Realizacija nastavnog plana i programa)

- (1) U školi se realizira nastavni plan i program za učenike normalnog psihičkog razvoja i dodatni program za nadarene učenike, prilagođeni i individualizirani programi za djecu sa posebnim potrebama.
- (2) Odgojno - obrazovni rad u školi realizuje se kroz redovnu nastavu i druge oblike odgojno-obrazovnog rada u skladu sa Godišnjim programom rada škole.
- (3) Inkluzivno obrazovanje u školi se odvija u skladu sa Pravilnikom o obrazovanju učenika s posebnim potrebama koji donosi ministar.
- (4) Nastavnim planovima i programima propisana su odgojno-obrazovna područja, odnosno nastavni predmeti koji će se izučavati u školi.
- (5) Škola je obavezna da u toku školske godine realizira nastavni plan i program.

Član 18.
(Trajanje školske godine)

- (1) Školska godina traje od 1. septembra tekuće do 31. avgusta naredne godine.
- (2) Nastava u školi izvodi se po polugodištima i traje 37 radnih sedmica, s tim da se nastavni plan i program planira i realizira u okviru 35 nastavnih sedmica.
- (3) Nastava u prvom i završnom razredu škole traje 36 radnih sedmica, s tim da se nastavni plan i program planira i realizuje u okviru 34 nastavne sedmice.
- (4) Svjetski dan nastavnika, 5. oktobar ustanovljava se kao Dan nastavnika u Kantonu Sarajevo i planira se školskim kalendarom.
- (5) Ministar propisuje školski kalendar za svaku školsku godinu i objavljuje ga najkasnije 10 dana prije početka nastave.
- (6) Razlika u broju radnih i nastavnih sedmica koristi se za realizaciju posebnih programskih sadržaja i to:
 - a) obilježavanje državnih i vjerskih praznika,
 - b) obilježavanje dana škole i drugih kulturnih, sportskih aktivnosti utvrđenih godišnjim programom rada.

Član 19.
(Početak i završetak nastave)

- (1) Nastava u prvom polugodištu počinje prvog radnog dana u septembru i završava se po pravilu nakon navršenih 17 nastavnih sedmica, u skladu sa nastavnim kalendarom.
- (2) Zimski odmor za učenike traje četiri sedmice i koristi se po pravilu nakon završetka prvog polugodišta.
- (3) Škola može odrediti da se dio zimskog ili ljetnog odmora za učenike koristi u toku prvog ili drugog polugodišta samo ako je to predviđeno godišnjim programom rada ili uvjetovano vanrednim okolnostima, te odobreno od strane Ministarstva.
- (4) Nastava u drugom polugodištu počinje poslije zimskog odmora i završava se realizacijom nastavnog plana i programa.
- (5) Ako se utvrdi da škola nije realizirala godišnji fond nastavnih časova, mora produžiti nastavu dok ne ostvari planirani godišnji fond nastavnih časova.

Član 20.
(Organizacija nastavnog procesa)

- (1) Škola u skladu sa Zakonom organizira nastavni proces u petodnevnoj radnoj sedmici.
- (2) Nastavni čas u školi traje 45 minuta. Za učenike I, II, III i IV razreda može se organizovati fleksibilno trajanje nastavnog časa unutar zadanog dnevnog vremenskog okvira.
- (3) U toku sedmice učenici I, II i III razreda mogu imati najviše 20 časova nastave, s tim da u toku dana ne mogu imati više od 4 časa redovne nastave.
- (4) U toku sedmice učenici IV, V i VI razreda mogu imati najviše 25 časova nastave, s tim da u toku dana ne mogu imati više od 5 časova redovne nastave.
- (5) U toku sedmice učenici VII, VIII i IX razreda mogu imati najviše 30 časova nastave, s tim da u toku dana ne mogu imati više od 6 časova redovne nastave.
- (6) Direktor škole može, u izuzetnim slučajevima, odlučiti da produži ili skрати trajanje časova.
- (7) Ministar može, u izuzetnim okolnostima, odlučiti da produži ili skрати trajanje časova u pojedinim ili svim osnovnim školama na području Kantona.
- (8) Maksimalna težina školske torbe zajedno sa sadržajem, na osnovu mišljenja relevantnih institucija iz oblasti zdravstva, će se utvrditi Pedagoškim standardima i normativima za osnovno obrazovanje i odgoj, u skladu sa uzrastom učenika.

Član 21.
(Jezik i pismo)

- (1) Nastava u školi izvodi se na jezicima konstitutivnih naroda Bosne i Hercegovine, koji se imenuju jednim od tri naziva: bosanski, hrvatski ili srpski jezik.
- (2) U školi se koriste oba pisma Bosne i Hercegovine (latinica i ćirilica).
- (3) Do kraja treće godine osnovnog odgoja i obrazovanja učenik će naučiti oba pisma Bosne i Hercegovine, s tim da u prvoj godini započinju sa učenjem latinice.

Član 22.
(Vjeronauku i alternativni nastavni predmeti)

- (1) U skladu sa Zakonom o osnovnom odgoju i obrazovanju Škola osigurava uvjete da učenici pohađaju nastavni predmet vjeronauku, a onim učenicima koji ne pohađaju vjeronauku omogućit će se pohađanje alternativnog odnosno alternativnih nastavnih predmeta, čije nastavne planove i programe donosi Ministarstvo.
- (2) Učenici se, uz saglasnost roditelja, na početku školovanja opredjeljuju za pohađanje jednog od nastavnih predmeta iz stava (1) ovog člana, uz mogućnost promjene opredjeljenja na početku svake školske godine.
- (3) Predmeti iz stava (1) imaju status izbornog predmeta i ulaze u opći prosjek ocjena.

Član 22.

(Obrazovanje pripadnika nacionalnih manjina)

(1) Učenicima – pripadnicima jedne nacionalne manjine ukoliko čine najmanje jednu trećinu od ukupnog broja učenika u školi, obezbjeđuje se obrazovanje na jeziku te nacionalne manjine, a ako čine jednu petinu, obezbjeđuje se dodatna nastava o maternjem jeziku, književnosti, historiji i kulturi nacionalne manjine kojoj pripadaju, ako to zahtijeva većina njihovih roditelja.

(2) Učenik na kojeg se primjenjuje stav (1) ovog člana, a koji želi pohađati nastavu iz svog maternjeg jezika, obavezan je prilikom upisa obavijestiti školu da je pripadnik nacionalne manjine. Škola će to prihvatiti kao činjenicu bez daljih provjera ili dokaza.

(3) Nastava maternjeg jezika iz stava (2) ovog člana može se odvijati u odjeljenju, zasebnom odjeljenju, grupi ili pojedinačno pod uslovima iz stava 1. ovog člana. Nastava može biti organizirana u školi, a ako to nije moguće, nastava se organizira za više škola ili za nivo Kantona na jednom mjestu.

Član 23.

(Vjeronauku i alternativni nastavni predmeti)

(1) U skladu sa Zakonom o osnovnom odgoju i obrazovanju Škola osigurava uvjete da učenici pohađaju nastavni predmet vjeronauku, a onim učenicima koji ne pohađaju vjeronauku omogućit će se pohađanje alternativnog odnosno alternativnih nastavnih predmeta, čije nastavne planove i programe donosi Ministarstvo.

(2) Učenici se, uz saglasnost roditelja, na početku školovanja opredjeljuju za pohađanje jednog od nastavnih predmeta iz stava (1) ovog člana, uz mogućnost promjene opredjeljenja na početku svake školske godine.

(3) Predmeti iz stava (1) imaju status izbornog predmeta i ulaze u opći prosjek ocjena.

Član 24.

(Fakultativna i izborna nastava)

(1) Predmete u okviru fakultativne i izborne nastave biraju učenici i roditelji ili staratelji učenika na početku školske godine sa liste koju utvrđuje Ministarstvo i kad se da izjašnjenje o odabranim časovima, fakultativna nastava za datog učenika postaje obavezna.

(2) Broj nastavnih časova, vrsta i trajanje fakultativne i izborne nastave utvrđuje se godišnjim programom rada škole u skladu sa nastavnim planom i programom.

Član 25.

(Prekid odgojno-obrazovnog rada)

Odgojno-obrazovni rad se ne smije prekidati u toku polugodišta, odnosno školske godine, izuzev u slučajju elementarnih nepogoda, epidemije i drugih posebno opravdanih razloga po odluci ministra.

Član 26.
(Godišnji program rada)

- (1) Rad u školi u toku školske godine realizira se na osnovu Godišnjeg programa rada škole.
- (2) Godišnji program sadrži obavezne i druge oblike i raspored odgojno-obrazovnog rada, njegov obim i sadržaj, kao i izvještaj o realiziranju Godišnjeg programa za prethodnu školsku godinu.
- (3) Nastavničko vijeće utvrđuje prijedlog Godišnjeg programa na osnovu nacрта kojeg priprema direktor, a usvaja ga Školski odbor.
- (4) Škola nakon usvajanja dostavlja Godišnji program rada najkasnije do 30. septembra za tekuću školsku godinu i to jedan primjerak: osnivaču, odnosno Ministarstvu i Prosvjetno-pedagoškom zavodu i nadležnom organu općine.

Član 27.
(Vannastavne aktivnosti učenika)

- (1) Vannastavne-slobodne aktivnosti učenika obuhvataju različite aktivnosti učenika u školi i organizaciji škole izvan programa redovne nastave.
- (2) Zadaci i programski sadržaji vannastavnih aktivnosti utvrđuju se Godišnjim programom rada škole, u skladu sa Standardima, a ostvaruju se putem sekcija, klubova, družina, grupa, učeničkih zadruga i drugih oblika.
- (3) Vannastavnim aktivnostima zadovoljavaju se posebne sklonosti i intresovanja učenika i integralni su dio odgojno-obrazovnog rada škole.
- (4) Učešće učenika u ovim aktivnostima je na dobrovoljnoj osnovi.
- (5) Pored nastavnika, škola može angažovati i druga stručna lica za organizaciju i rukovođenje vannastavnim aktivnostima.
- (6) O radu vannastavnih aktivnosti škole vodi se odgovarajuća dokumentacija i evidencija.

Član 28.
(Akcioni i drugi planovi)

- (1) Škola saraduje i učestvuje u zajedničkom i organiziranom djelovanju Vlade preko resornih ministarstava u promoviranju i provođenju akcionih planova za prevenciju maloljetničke delinkvencije i odgovarajuće intervencije u borbi protiv zlostavljanja, zloupotrebe djece i mladih, zloupotrebe droge, alkohola i drugih opijata, te svih drugih pojava koje ugrožavaju zdravlje i život učenika.
- (2) Realiziranjem planova iz stava (1) ovog člana škola u godišnjem programu rada planira aktivnosti s ciljem promoviranja i razvijanja partnerstva škole, roditelja i lokalne sredine, u svim pitanjima od značaja za ostvarivanje obrazovno- odgojne funkcije škole te interesa i potreba škole.

Član 29.
(Zabrana diskriminacije)

- (1) U školi je zabranjena svaka vrsta diskriminacije zasnovane na spolu, rasi, seksualnoj orijentaciji, fizičkom ili drugom nedostatku, bračnom stanju, boji kože, jeziku, religiji ili vjerovanju, uvjetima upošljavanja, političkim ili drugim uvjerenjima, nacionalnom, etničkom ili socijalnom porijeklu, vezi s nekom nacionalnom zajednicom, imovini, rođenju ili na nekom drugom statusu.
- (2) U školi je zabranjeno fizičko kažnjavanje, omalovažavanje i vrijeđanje ličnosti učenika i uposlenika.
- (3) U školi je zabranjeno političko organiziranje i djelovanje pojedinaca i političkih partija.
- (4) Organiziranje i realiziranje izbornog procesa je dozvoljeno u prostorijama škole samo u vrijeme kada se u školi ne realizira nastava.

Član 30.
(Ostali oblici odgojno-obrazovnog rada)

- (1) Izleti, studijske posjete, ekskurzije, logorovanja, društveno koristan rad i drugi oblici odgojno-obrazovnog rada predviđeni godišnjim programom organizuju se i izvode u okviru radnih dana, a organiziraju se u skladu sa Pravilnikom o organizaciji i realizaciji izleta, studijskih posjeta, ekskurzija, kampovanja, društveno korisnog rada i škole u prirodi, koji donosi ministar.
- (2) Škola u prirodi, kao dio Nastavnog plana i programa od I do IV razreda osnovne škole realizira se u okviru nastavnih dana, u skladu sa pravilnikom koji donosi ministar.
- (3) Škola plivanja, škola skijanja, kao i drugi specifični oblici nastave iz predmeta tjelesni i zdravstveni odgoj organiziraju se i realiziraju u skladu sa nastavnim planom i programom.

VII PRAVA I DUŽNOSTI UČENIKA

(A) UPIS I POHAĐANJE ŠKOLE

Član 31.
(Prava i obaveze pohađanja škole)

- (1) Svako dijete ima pravo i obavezu da pohađa školu u toku perioda predviđenog za obavezno obrazovanje.
- (2) Obavezno je pohađanje redovne osnovne škole u trajanju od devet godina, i to za djecu od šest do petnaest godina starosti, odnosno do završetka osnovne škole.
- (3) Školskim obveznikom redovne osnovne škole smatra se dijete koje će do 1. marta tekuće godine navršiti 5 i po godina života.
- (4) Škola može omogućiti upis u školu djetetu koje je mlađe od utvrđene starosne dobi predviđene za početak obaveznog odgoja i obrazovanja, ako to traži roditelj ili staratelj djeteta i ako škola, nakon što razmotri preporuke relevantnih stručnjaka, bude sigurna da je to u najboljem interesu djeteta.

Član 32.
(Dužnost roditelja/staratelja)

- (1) Roditelji ili staratelji djeteta koje je uzrasta za obavezno školovanje dužni su da osiguraju da dijete bude upisano u školu, da redovno pohađa školu i da sarađuju sa školom.
- (2) Direktor škole pokreće postupak protiv jednog roditelja ili staratelja djeteta, ako dijete ili staratelj ne izvršavaju svoje obaveze.

Član 33.
(Upisni rokovi)

- (1) Upis u redovnu školu obavlja se u aprilu i avgustu mjesecu na osnovu spiskova školskih obveznika koje školama dostavlja nadležni organ općine na čijoj teritoriji se nalazi škola.
- (2) Škola je obavezna da po obavljenom upisu školskih obveznika dostavi izvještaj o upisu osnivaču, Ministarstvu i općini na čijem području se nalazi, najkasnije do 15. juna za aprilski upisni rok, a najkasnije do 31. augusta za augustovski upisni rok.

Član 34.
(Komisija za upis djece u I razred)

- (1) Ocjenu sposobnosti djece pri upisu u osnovnu školu obavlja komisija sastavljena od pedagoga (pedagoga - psihologa) ili psihologa i nastavnika razredne nastave, uz prethodno pribavljeno ljekarsko uvjerenje nadležne zdravstvene ustanove.
- (2) Ocjenu sposobnosti djece sa oštećenjima sluha i govora vrši Centar za slušnu i govornu rehabilitaciju, a djece oštećenog vida Centar za slijepu i slabovidnu djecu.
- (3) Komisiju iz stava (1) ovog člana imenuje Školski odbor na prijedlog Nastavničkog vijeća.
- (4) Učenici sa posebnim potrebama upisuju se u redovne ili specijalne osnovne škole, odnosno centre na osnovu nalaza i mišljenja komisije, sastavljene od: pedagoga, psihologa, defektologa, logopeda, socijalnog radnika i pedijatra.
- (5) Na osnovu nalaza i mišljenja komisije iz stava (4) ovog člana, centar za opservaciju i dijagnostiku, odnosno specijalni centar predlaže najadekvatniji odgojno - obrazovni ili rehabilitacijsko – edukativni ili produženi stručni tretman, u skladu sa individualnim mogućnostima svakog djeteta.
- (6) Na osnovu mišljenja komisije iz stava (1) ovog člana, školski obveznik se može privremeno osloboditi upisa u redovnu osnovnu školu, najdalje do navršanih sedam godina života.

Član 35.
(Prava i dužnosti učenika)

- (1) Svaki učenik ima jednako pravo pristupa i jednaku mogućnost učešća u obrazovanju, bez diskriminacije na bilo kojoj osnovi.
- (2) Jednak pristup i jednake mogućnosti podrazumijevaju osiguranje jednakih uslova i prilika za sve, za početak i nastavak daljeg obrazovanja.
- (3) Odgovarajuće obrazovanje podrazumijeva obrazovanje koje u skladu s standardima osigurava učeniku da na najbolji način razvije svoje urođene i potencijalne umne, fizičke i moralne sposobnosti.
- (4) Učenik je dužan da prema svom uzrastu doprinosi ostvarivanju ciljeva i zadataka odgojno-obrazovnog rada, da redovno pohađa nastavu i aktivno učestvuje u nastavnom procesu.
- (5) Učenici su dužni da na svakom mjestu čuvaju svoj lični ugled, ugled svojih drugova, ugled svog razreda i škole, da su pristojno obučeni, skromni, iskreni, susretljivi, da njeguju drugarstvo i pokazuju dobru volju za pomoć jednih prema drugima.
- (6) Učenici su dužni da prisustvuju svim školskim proslavama, priredbama, smotrama, izložbama i slično, koje škola oglasi obaveznim za sve ili određene pojedince ili grupe učenika.
- (7) Učenici su dužni da se ponašaju u skladu sa Pravilnikom o kućnom redu škole čiji sastavni dio je i etički kodeks.

Član 36.
(Prevodnica)

- (1) Prelazak učenika iz jedne škole u drugu vrši se na osnovu pisanog akta - prevodnice, uz obavezu škole iz koje učenik prelazi da u roku od dva dana od dana prijema zahtjeva za izdavanje prevodnice, službenim putem dostavi prevodnicu školi u koju učenik prelazi.
- (2) Škola u koju učenik prelazi je obavezna da školu iz stava (1) ovog člana u roku od dva dana od dana upisa učenika obavijesti o statusu učenika.
- (3) Učenici državljani Bosne i Hercegovine koji su dio osnovnog obrazovanja završili u BiH, izvan Kantona Sarajevo upisuju se u osnovnu školu u odgovarajući razred i nastavljaju obrazovanje pod istim uvjetima kao i učenici u Kantonu Sarajevo.
- (4) Učenik koji završi pojedine razrede osnovne škole u inostranstvu nastavlja obrazovanje u odgovarajućem razredu osnovne škole uz postupak ekvivalencije odgovarajućeg dokumenta koju vrši Ministarstvo.
- (5) Mogućnost prelaska učenika iz specijalne u redovnu školu, i iz redovne škole u specijalnu školu zavisi od opservacije i obavezujućeg nalaza stručnog tima koji se sastoji od ljekara, dječijeg psihologa, defektologa, logopeda, a po potrebi i drugih stručnjaka, da bi se omogućio nesmetan napredak u obrazovanju i socijalizaciji djeteta.

Član 37.

(Nadoknada i sticanje osnovnog odgoja i obrazovanja u redovnom roku)

(1) Učenik koji iz opravdanih razloga (bolest u dužem trajanju i drugim opravdanim slučajevima) nije mogao redovno pohađati nastavu i biti ocijenjen iz jednog i više predmeta, može polaganjem ispita ili drugim oblikom nastavnog rada nadoknaditi izgubljeno vrijeme i steći osnovno obrazovanje u redovnom roku.

(2) Ako je učenik iz opravdanih razloga bio odsutan, odnosno izostao sa nastave u određenom razredu jednu trećinu od ukupnog fonda sati predviđenih nastavnim planom i programom, može polagati predmetni ili razredni ispit u toku školske godine, kako bi u redovnom roku završio odgovarajući razred osnovne škole.

(3) Nastavničko vijeće, u svakom konkretnom slučaju, cijeni opravdanost razloga nepohađanje nastave i donosi odluku o polaganju ispita.

Član 38.

(Izostanak učenika sa nastave)

(1) U slučaju kada učenik ima opravdanih razloga da izostane sa nastave, izostanak odobrava:

- Nastavnik razredne nastave za učenike od I-IV, a razredni starješina za učenike od V-IX razreda do 3 dana,
- Direktor škole..... do 7 dana,
- Nastavničko vijeće..... do 15 dana.

(2) Svaki drugi izostanak učenika sa nastave roditelj odnosno staratelj je dužan da opravda usmeno ili pismeno u roku od 3 dana, nastavniku/nastavnici razredne nastave, odnosno razrednom starješini.

Član 39.

(Prava učenika koji su stekli specijalni status)

(1) Redovni učenici u školi mogu imati specijalni status.

(2) Specijalni status iz stava (1) ovog člana mogu ostvariti učenici koji su proglašeni perspektivnim i vrhunskim sportistima, izuzetnim umjetničkim talentima i nadarenim učenicima s vrhunskim rezultatima na kantonalnom, federalnom, državnom ili međunarodnom takmičenju.

(3) Škola dodjeljuje specijalni status na osnovu odluke Ministarstva kulture i sporta Kantona Sarajevo o proglašenju učenika perspektivnim ili vrhunskim sportistom, odnosno odluke Ministarstva o proglašenju učenika izuzetnim talentom i nadarenim učenikom, u skladu sa ostvarenim rezultatima u nastavnim i vannastavnim aktivnostima.

(4) Specijalni status se potvrđuje odlukom nastavničkog vijeća škole.

(5) Na osnovu odluke iz stava (4) ovog člana, škola će učenicima sa specijalnim statusom odobriti dugoročno ili kratkoročno odsustvovanje sa nastave radi pripremanja i učešća na takmičenjima, u skladu sa ovim pravilima.

(6) Škola će učenicima sa specijalnim statusom dati mogućnost putem praćenja nastave i ocjenjivanja, odnosno organiziranjem instruktivno-konsultativne nastave i polaganja predmetnih ispita u toku školske godine, da završe odgovarajući razred.

(B) OCJENJIVANJE UČENIKA I OPĆI USPJEH

Član 40. (Ocjenjivanje učenika)

- (1) Ocjenjivanje u školi vrši se javno i kontinuirano, broječanim i opisnim ocjenama.
- (2) Opisno ocjenjivanje primjenjuje se u prvom razredu i prvom polugodištu drugog razreda osnovne škole.
- (3) Za učenike škole od drugog polugodišta drugog razreda brojčana zaključna iz svakog predmeta pojedinačno izvodi se na kraju svakog polugodišta i na kraju školske godine.
- (4) Brojčane zaključne ocjene su: odličan (5), vrlo dobar (4), dobar (3), dovoljan (2) i nedovoljan (1).
- (5) Pored ocjena, daju se i karakteristike učenika vezano za njihovo napredovanje, sklonosti, posebne osobine i slično, u pisanoj formi na kraju školovanja, odnosno uz prepis ocjena.
- (6) Karakteristike iz prethodnog stava se daju na osnovu pedagoškog kartona učenika.
- (7) Ocjenu iz nastavnih predmeta na kraju svakog polugodišta obavezno zaključuje i učenicima javno u odjeljenju saopštava predmetni nastavnik.

Član 41. (Utvrđivanje općeg uspjeha učenika)

- (1) Opći uspjeh učenika i rezultati postignuća učenika/učenica iz nastavnih predmeta utvrđuju se na kraju polugodišta, odnosno na kraju školske godine.
- (2) Opći uspjeh učenika utvrđuje se na osnovu zaključenih ocjena iz svih nastavnih predmeta koji se ocjenjuju brojčano.
- (3) Način utvrđivanja općeg uspjeha učenika, način utvrđivanja zaključnih ocjena u razrednoj i predmetnoj nastavi, te postupak prevođenja učenika u viši razred, zatim ponavljanje razreda, kao i upućivanje učenika na popravni ispit, vrši se na način i u rokovima propisanim Zakonom o osnovnom odgoju i obrazovanju.
- (4) Učenik koji je upućen da ponovi određene razrede može zadržati status redovnog učenika do završene 17. godine života, a u slučaju nemarnog odnosa prema učenju i neprimjerenog ponašanja može, po odluci nastavničkog vijeća, izgubiti status redovnog učenika škole s navršениh 15 godina života.

Član 42. (Ocjenjivanje vladanja učenika)

U školi se ocjenjuje i vladanje učenika u skladu sa Zakonom o osnovnom odgoju i obrazovanju.

Član 43.
(Svjedodžba)

- (1) O završenom osnovnom obrazovanju učeniku se izdaje svjedodžba, koja je javna isprava.
- (2) Uz svjedodžbu o završenoj školi, učeniku se izdaje uvjerenje o završenom V, VI, VII i VIII razredu škole.
- (3) Upisanim učenicima s posebnim obrazovnim potrebama koji su završili razred po individualno prilagođenom planu i programu, škola izdaje odgovarajuće dokumente u skladu sa Pravilnikom o obrazovanju učenika s posebnim obrazovnim potrebama i Pravilnikom o praćenju, vrednovanju i ocjenjivanju učenika koje donosi ministar.

Član 44.
(Pravo prigovora na utvrđenu ocjenu)

- (1) Roditelj odnosno staratelj učenika ima pravo prigovora na zaključnu pojedinačnu ocjenu na kraju nastavne godine.
- (2) Prigovor se podnosi odjeljenskom vijeću, u roku od dva dana od dana saopštavanja ocjene učeniku.
- (3) Odjeljensko vijeće je obavezno svaki prigovor razmotriti najkasnije dva dana od prijema prigovora i o istom sačiniti mišljenje.
- (4) Odjeljensko vijeće je obavezno da izvrši analizu ocjena zaključenih od strane nastavnika i u slučaju nepravilnosti o tome sačini mišljenje.
- (5) Odjeljensko vijeće odmah dostavlja prigovor i mišljenje iz stava (3) i (4) nastavničkom vijeću na odlučivanje.
- (6) Nastavničko vijeće obavezno je da u roku od tri dana dostavljanja prigovora i mišljenja iz stava (5) ovog člana donese odgovarajuću odluku.
- (7) Ako nastavničko vijeće donese odluku o usvajanju prigovora koja podrazumjeva potrebu provjere znanja učenika, ono imenuje Komisiju za provjeru znanja.
- (8) Komisija iz stava (7) ovog člana obavezna je izvršiti provjeru znanja učenika u roku od dva dana od dana donošenja odluke. Ocjena Komisije je konačna.
- (9) Ako nastavničko vijeće donese odluku o odbijanju prigovora, ista je konačna.

Član 45.
(Eksterna matura)

Na kraju devetog razreda utvrđuje se obaveza polaganja eksterne mature u skladu sa pravilnikom koji donosi ministar.

(C) POHVALE, DIPLOME I NAGRADE UČENIKA

Član 46.

(Dodjela pohvala, diploma, nagrada)

- (1) Učenicima koji se ističu u savladavanju nastavnog gradiva i imaju uzorno vladanje dodjeljuju se priznanja.
- (2) U cilju podsticanja učenika na što bolji uspjeh u odgojno-obrazovnom radu, škola dodjeljuje pohvale, diplome i nagrade.
- (3) Pohvale i diplome se dodjeljuju pojedinim učenicima, grupi učenika ili odjeljenju za postignute rezultate u nastavno-odgojnim aktivnostima.
- (4) Učeniku koji u toku osnovnog obrazovanja i odgoja postigne odličan uspjeh iz svih nastavnih predmeta i ima primjerno vladanje izdaje se u znak priznanja i posebna diploma o postignutim rezultatima koju propisuje ministar.
- (5) Pohvale, diplome i nagrade se dodjeljuju javno i iste se objavljuju povodom značajnih datuma kao što su: dan škole, na kraju polugodišta ili školske godine i slično.

Član 47.

(Ko dodjeljuje nagrade)

Nagrade dodjeljuju:

- a) Nastavnik razredne nastave za učenike od I-IV razreda, odnosno - razredni starješina za učenike od V do IX razreda
- b) Odjeljsko vijeće,
- c) Nastavničko vijeće,
- d) Direktor škole,
- e) Školski odbor

Član 48.

(Razlozi za dodjelu nagrada)

Nagrade se dodjeljuju za:

- a) naročite rezultate na afirmaciji škole u realizaciji nastavnog plana i programa, općinskog i kantonalnog takmičenja,
- b) istaknute rezultate na takmičenju na federalnom i državnom nivou,
- c) zalaganje i izvanredan uspjeh u raznim vidovima slobodnih aktivnosti, u društvenom i kulturnom životu škole,
- d) izuzetan doprinos u razvoju društvenih odnosa i pružanja pomoći drugim učenicima u savladavanju nastavnog gradiva,
- e) druge nagrade

Član 49.
(Odobrovanje sredstava)

- (1) Nagrade se dodjeljuju u knjigama, značkama, učeničkom priboru, alatu i drugim predmetima.
- (2) Visinu sredstava namjenjenih za podmirenje troškova nabavke nagrada iz stava (1) ovog člana odobrava:
- a) Direktor škole za nagrade koje dodjeljuje nastavnik, odnosno razredni starješina, Odjeljsko vijeće i Nastavničko vijeće.
 - b) Školski odbor za nagrade koje dodjeljuje direktor.
- (3) Na preporuku Nastavničkog vijeća i prijedlog direktora, Školski odbor u okviru raspoloživih sredstava može donijeti odluku i o dodjeli novčane nagrade.

**VIII PRAVA I DUŽNOSTI NASTAVNIKA I
STRUČNIH SARADNIKA**

Član 50
(Prava i dužnosti zaposlenika škole)

- (1) Nastavnici, stručni saradnici i drugi zaposlenici u školi ostvaruju svoja prava i dužnosti iz radnog odnosa i po osnovu rada u skladu sa Zakonom o radu, Kolektivnom ugovoru, Zakonom o osnovnom odgoju i obrazovanju, provedbenim propisima, Pravilima škole, Pravilnikom o radu i drugim opštim aktima Škole.
- (2) Bliži propisi iz radnog odnosa i po osnovu rada nastavnika, stručnih saradnika i drugih zaposlenika koji nisu uređeni ovim Pravilima, uređuju se Pravilnikom o radu i drugim općim aktima koje donosi Školski odbor u skladu sa Zakonom o radu, Kolektivnim ugovorom, Zakonom o osnovnom odgoju i obrazovanju i provedbenim propisima.

Član 51.
(Profil i stručna sprema nastavnika)

- (1) Nastavnim planom i programom utvrđuje se odgovarajući profil i stručna sprema nastavnika razredne nastave i nastavnika predmetne nastave.
- (2) Nastavnik razredne nastave ima visoku ili višu stručnu spremu i izvodi nastavu u I, II, III i IV razredu, a nastavu može izvoditi zaključno sa V razredom.
- (3) Nastavnik predmetne nastave ima visoku ili višu stručnu spremu i izvodi nastavu od IV do IX razreda, a određene predmete i u I, II i III razredu u skladu sa nastavnim planom koji reguliše profil i stručnu spremu nastavnika za taj predmet.
- (4) Razrednu i predmetnu nastavu u skladu sa stav (1) i (2) ovog člana u osnovnoj školi mogu izvoditi i lica sa završenim I ili II, odnosno III ciklusom bolonjskog visokoobrazovnog procesa na nastavničkom fakultetu ili drugom fakultetu i položenom pedagoško-psihološkom grupom predmeta koji imaju odgovarajući profil stručne spreme koji je propisan u nastavnom planu i programu.

(5) Stručni saradnici u školi su: pedagog, pedagog-psiholog, psiholog, bibliotekar, socijalni radnik, defektolog određenog profila, logoped i zdravstveni radnik.

(6) Broj stručnih saradnika, profil i stručna sprema stručnih saradnika, kao i poslovi koje trebaju obavljati u školi, utvrđuju se Pedagoškim standardima i Normativima.

(7) Broj ostalih zaposlenika u školi, profil i stručnu spremu, kao i poslove koje trebaju obavljati u osnovnoj školi utvrđuje se Pedagoškim standardima i Normativima.

Član 52.

(Prijem, raspoređivanje i prestanak rada zaposlenika)

Prijem, raspoređivanje i prestanak rada nastavnika, stručnih saradnika i ostalih zaposlenika u školi vršiće se u skladu sa Zakonom o osnovnom odgoju i obrazovanju, ovim Pravilima i drugim opštim aktima škole.

Član 53.

(Obavljenje ljekarskog pregleda)

(1) Svaki zaposlenik škole prije početka školske godine u obavezi je obaviti ljekarski zdravstveni pregled u javnoj ili privatnoj zdravstvenoj instituciji i uvjerenje o ljekarskom pregledu dostaviti u školu, odnosno organizacionu jedinicu kod koje se nalazi njegov personalni dosije. Sadržaj sistematskog ljekarskog pregleda propisuje posebnim uputstvom ministar uz pribavljanje mišljenja Ministarstva zdravstva Kantona Sarajevo.

(2) Troškove sistematskog pregleda iz stava (1) ovog člana snosi škola.

Član 54.

(Status pripravnika i volontera)

(1) Lice koje prvi put zasniva radni odnos na poslovima nastavnika, stručnog ili drugog saradnika ima status pripravnika.

(2) Škola je dužna, odmah po njegovom stupanju na posao, pripravniku izdati rješenje o pripravničkom stažu sa rokom polaganja ispita za samostalan odgojno-obrazovni rad, odnosno, stručnog ispita i imenovati mentora.

(3) Nastavnicima, stručnim i drugim saradnicima bez radnog iskustva, u skladu sa Zakonom o radu i kolektivnim ugovorom škola može omogućiti stručno osposobljavanje za samostalan odgojno-obrazovni rad, bez zasnivanja radnog odnosa (volonterski rad).

(4) Na volontere iz stava (3) ovog člana se primjenjuju stavovi od (1) do (5) člana 80. Zakona o osnovnom odgoju i obrazovanju.

Član 55.

(Polaganje stručnog ispita)

(1) Po završetku pripravničkog staža, pripravnik je obavezan polagati ispit za samostalan odgojno-obrazovni rad, odnosno stručni ispit.

(2) Program osposobljavanja za samostalan odgojno-obrazovni rad, stažiranje, profil i stručna sprema mentora, sastav komisije, način i troškovi polaganja ispita za samostalan odgojno-obrazovni rad, odnosno stručnog ispita, obrazac uvjerenja o položenom stručnom ispitu i vođenje evidencije reguliraju se pravilnikom koji donosi ministar.

(3) Stručni ispit polaže se pred stručnom komisijom koju imenuje ministar.

- (4) U skladu sa nastavnim planom i programom u školi mogu se angažirati lica sa radnim iskustvom ili bez radnog iskustva u nastavi koja nemaju završen nastavnički fakultet.
- (5) Lica iz stava (4) ovog člana koja imaju položenu pedagoško-psihološku i didaktičko-metodičku grupu predmeta obavezna su položiti stručni ispit za samostalan odgojno- obrazovni rad.
- (6) Lica iz stava (4) ovog člana u čijem studiju nije bila zastupljena pedagoško- psihološka i metodičko- didaktička grupa predmeta, obavezna su položiti navedenu grupu predmeta i stručni ispit za samostalan obrazovno- odgojni rad.
- (7) Licima iz stava (5) i (6) ovog člana škola je dužna odmah po stupanju na posao izdati rješenje o pripravničkom stažu, odnosno rješenje o stažiranju, sa rokom polaganja ispita za samostalan obrazovno- odgojni rad, odnosno, stručnog ispita i imenovati mentora, a licima iz stava (6) i rješenje o obavezi polaganja pedagoško-psihološke i didaktičko-metodičke grupe predmeta.
- (8) Rok za polaganje ispita grupe predmeta iz stava (6) ovog člana je 12 mjeseci od dana stupanja na rad ovih lica.
- (9) Lica iz stava (6) ovog člana odmah nakon što polože pedagoško-psihološku i didaktičko-metodičku grupu predmeta uz uvjet da su obavili pripravnički staž u propisanom trajanju, stiču pravo polaganja stručnog ispita za samostalan odgojno-obrazovni rad.
- (10) Rok za polaganje stručnog ispita za lica iz stava (6) ovog člana je šest mjeseci od dana položenog posljednjeg ispita pedagoško-psihološke i metodičko-didaktičke grupe predmeta, odnosno šest mjeseci od posljednjeg dana obavljenog pripravničkog staža, u protivnom mu prestaje radni odnos u školi.

Član 56.

(Popunjavanje upražnjenih radnih mjesta)

- (1) Nastavnici, stručni i drugi saradnici i drugi zaposlenici definiraju radni angažman ugovorom o radu.
- (2) Upraznjena radna mjesta u školi prvo se popunjavaju sa jedinstvene rang liste zaposlenika za čijim radom je potpuno ili djelimično prestala potreba u odnosu na ugovor o radu na neodređeno vrijeme koji su zaključili sa poslodavcem na osnovu javnog konkursa, koja se vodi u ministarstvu, odnosno na osnovu javnog konkursa koji se istovremeno objavljuje u sredstvima javnog informisanja i na službenoj internet stranici Ministarstva.
- (3) Ukoliko u školi postoji upražnjeno radno mjesto, škola je dužna prvo preuzeti lice sa spiska zaposlenika za čijim je radom potpuno ili djelomično prestala potreba iz stava (1) ovog člana, koje ispunjava sve opće i posebne uvjete za to radno mjesto.
- (4) Ukoliko se popunjavanje upražnjenog radnog mjesta u skladu sa stavom (2) ovog člana ne može realizirati, upražnjeno mjesto se oglašava putem javnog konkursa, koji se provodi u skladu sa Pravilnikom sa kriterijima za prijem zaposlenika u radni odnos koji donosi ministar uz konsultacije sa sindikatom.

Član 57.

(Angažovanje zaposlenika na određeno vrijeme)

Zaposlenici u školi u hitnim, odnosno vanrednim slučajevima, mogu biti angažirani na određeni vremenski period, koji shodno Zakonu o radu ne može biti duži od tri mjeseca, pod uvjetom da se upražnjeno radno mjesto ne može popuniti u skladu sa stavom (2) člana 56 ovih Pravila.

Član 58.
(Plan korištenja godišnjeg odmora)

- (1) Nastavnici i stručni saradnici u pravilu, godišnji odmor koriste u toku ljetnog odmora za učenike.
- (2) Plan korištenja godišnjih odmora i dužina trajanja godišnjih odmora utvrđuje se općim aktom škole shodno Zakonu o radu i Kolektivnom ugovoru za djelatnost osnovnog obrazovanja.
- (3) Dužina godišnjeg odmora nastavnika i stručnih saradnika iznosi najmanje 30 radnih dana.
- (4) U radne dane se ne uračunava, subota, nedjelja i dani u koje se po zakonu ne radi, kao i praznici u skladu sa zakonom.
- (5) Izuzetno, zaposlenici koji ne iskoriste godišnji odmor u toku ljetnog raspusta, mogu koristiti godišnji odmor do 30. juna naredne godine.
- (6) Dužina godišnjeg odmora ostalih zaposlenika utvrđuje se Pravilnikom o radu u skladu sa Zakonom o radu i Kolektivnim ugovorom.
- (7) Plan godišnjih odmora na prijedlog direktora usvaja Školski odbor.

Član 59.
(Stručno usavršavanje nastavnika i saradnika)

- (1) Nastavnik u školi je samostalan u izvođenju nastave, izboru oblika i metoda rada, u okvirima utvrđenim nastavnim planom i programom i drugim relevantnim zakonskim i podzakonskim aktima.
- (2) Nastavnik ima obavezu da se priprema za organizaciju i obavljanje neposrednog odgojno-obrazovnog rada, za nastavni čas, odnosno nastavnu jedinicu, kao i druge oblike odgojno-obrazovnog rada.
- (3) Nastavnici, stručni i drugi saradnici obavezni su da se stručno usavršavaju i kontinuirano educiraju u toku cijelog radnog vijeka, s ciljem kvalitetnog praćenja, podsticanja i pomaganja u obrazovanju i razvoju učenika i obavljanja drugih poslova utvrđenih relevantnim propisima.
- (4) Pravilnik o stručnom usavršavanju donosi ministar.
- (5) Nastavnici i stručni saradnici škole mogu se udruživati u stručne aktive i udruženja na nivou škole i višim nivoima, s ciljem unapređenja rada, edukacije i saradnje na domaćem i međunarodnom planu.

Član 60.
(Praćenje, ocjenjivanje i evaluacija rada zaposlenika)

- (1) Rad zaposlenika se sistematično prati i ocjenjuje na osnovu pravilnika koji, uz konsultacije sa sindikatom, donosi ministar.
- (2) Sastavni dio pravilnika iz stava (1) ovog člana su kriteriji za ocjenjivanje zaposlenika, kao i uvjeti za napredovanje i sticanje posebnih zvanja nastavnika, stručnih i drugih saradnika.

- (3) Škola je obavezna svake školske godine provoditi postupak evaluacije rada rukovodnog i nastavnog osoblja, odnosno uspješnosti realiziranja nastavnih programa.
- (4) Evaluacija rada rukovodnog i nastavnog osoblja provodi se u skladu sa pravilnikom koji donosi ministar.
- (5) Škola na osnovu odluke nastavničkog vijeća može provoditi evaluacionu anketu o radu nastavnog osoblja od strane učenika svake školske godine, a s ciljem unapređenja kvaliteta obrazovno-odgojnog rada.
- (6) Evaluacijom se obavezno ocjenjuju: kvalitet nastave i interaktivnog odnosa učenik-nastavno osoblje, korektnost u komunikaciji, odnos nastavnog osoblja prema učeniku na nastavi i na provjerama znanja, kao i drugi elementi utvrđeni pravilnikom iz stava (4) ovog člana.
- (7) Evaluacija rada rukovodnog i nastavnog osoblja je dio integralnog procesa uspostave sistema kvaliteta, odnosno samokontrole i unutrašnje ocjene kvaliteta.
- (8) Rezultate vrednovanja rada rukovodnog, nastavnog, stručnog i drugog osoblja škola je obavezna analizirati i isti čine sastavni dio personalnog dosijea svakog zaposlenika škole.

IX VOĐENJE PEDAGOŠKE DOKUMENTACIJE I EVIDENCIJE

Član 61.

(Pedagoška dokumentacija i evidencija)

- (1) Škola vodi pedagošku dokumentaciju i evidenciju o učenicima i to:
 - a) matičnu knjigu;
 - b) registar uz matičnu knjigu;
 - c) odjeljensku knjigu;
 - d) pedagoški karton;
 - e) ljetopis i drugu dokumentaciju i evidenciju u skladu sa propisom koji donosi ministar.
- (2) Podaci o matičnoj knjizi su trajne vrijednosti.
- (3) Za redovno vođenje dokumentacije i evidencije i tačnost podataka odgovorni su direktor i Nastavnik
- (4) Bliže propise o načinu vođenja pedagoške dokumentacije i evidencije donosi ministar.

Član 62.

(Ljetopis škole)

- (1) Škola vodi ljetopis, u kome se, u tvrdo povezanoj svesci, hronološkim redom upisuju svi važniji podaci o radu škole.
- (2) Za vođenje ljetopisa i pravovremeno unošenje podataka, odgovoran je direktor škole, koji u pravilu vodi ljetopis škole.
- (3) Ljetopis se vodi u tvrdo povezanoj svesci i dokument je od trajne vrijednosti.

X STRUČNI ORGANI ŠKOLE

Član 63. (Stručni organi škole)

- (1) U školi se obrazuju stručni organi i to:
 - a) Nastavničko vijeće,
 - b) Odjeljensko vijeće,
 - c) Stručni aktiv
- (2) Način rada stručnih organa regulira se poslovníkom o radu stručnih organa škole, koji donosi Školski odbor.

Član 64. (Sastav i djelokrug rada Nastavničkog vijeća)

- (1) Nastavničko vijeće sačinjavaju svi nastavnici i stručni saradnici škole.
- (2) Nastavničkim vijećem rukovodi direktor škole, a u njegovoj odsutnosti pomoćnik direktora ako je imenovan.
- (3) Nastavničko vijeće obavlja slijedeće poslove:
 - a) utvrđuje prijedlog godišnjeg programa rada škole,
 - b) donosi odluke o organizaciji odgojno-obrazovnog rada,
 - c) prati ostvarivanje nastavnog plana i programa i preduzima mjere za njegovo izvršavanje i o tome podnosi izvještaj Školskom odboru,
 - d) razmatra realizaciju nastavnog plana i programa s posebnim osvrtom na postignuća učenika kao i na kontinuitet ocjenjivanja učenika,
 - e) utvrđuje prijedlog programa stručnog usavršavanja nastavnika i stručnih saradnika, program rada stručnih organa i komisija i razmatra realizaciju istih,
 - f) vrši izbor oblika nastave i saglasno tome vrši raspored učenika i podjelu predmeta za nastavnike, odnosno vrši raspored rada u radnoj sedmici,
 - g) vrši izbor razrednika,
 - h) analizira uspjeh učenika i rad odjeljenskih vijeća,
 - i) određuje rukovodioce odjeljenskih vijeća,
 - j) analizira rad nastavnika i stručnih saradnika,
 - k) imenuje komisiju za polaganje ispita,
 - l) razmatra izvještaj o polaganju ispita,
 - m) određuje rokove za polaganje ispita,
 - n) razmatra izvještaj o izvršenom stručnom nadzoru,
 - o) odobrava učeniku škole završavanje dva razreda u toku jedne školske godine,
 - p) stara se o profesionalnom usmjeravanju učenika,
 - r) razmatra odgojno- disciplinske mjere i donosi odgovarajuće odluke,
 - s) preporučuje nabavku stručnih časopisa i druge stručne literature,
 - t) vrši i druge poslove koji se odnose na obavljanje poslova Nastavničkog vijeća, a koji su utvrđeni u odredbama ovih Pravila.
- (4) Nastavničko vijeće donosi odluke većinom glasova prisutnih članova, a glasanje se vrši dizanjem ruke.
- (5) O radu nastavničkog vijeća vodi se zapisnik u posebnoj, tvrdo povezanoj svesci, čije se stranice numerišu.

- (6) Zapisnik sa sjednice nastavničkog vijeća vodi lice koje odredi direktor škole.
- (7) Zapisnik potpisuje zapisničar i direktor škole.

Član 65.

(Sastav i djelokrug rada Odjeljenskog vijeća)

- (1) Odjeljensko vijeće čine nastavnici koji izvode nastavu u jednom odjeljenju.
- (2) Odjeljenskim vijećem rukovodi razrednik.
- (3) Odjeljensko vijeće obavlja sljedeće poslove:
- a) analizira uspjeh učenika i rad nastavnika u odjeljenju;
 - b) prati razvoj učenika i na osnovu toga predlaže izbor programa primjerenih sposobnostima učenika,
 - c) odlučuje o programima za nadarene učenike, za učenike koji zaostaju u napredovanju i o oblicima nastave koji će se primjenjivati u odjeljenjima u cjelini ili za pojedine grupe učenika ili učenika pojedinačno,
 - d) usklađuje rad nastavnika u odgojno-obrazovnom procesu,
 - e) utvrđuje zaključne ocjene učenika,
 - f) izriče i drugim organima predlaže odgojno-disciplinske mjere prema učenicima,
 - g) analizira rad nastavnika i stručnih saradnika i predlaže mjere za unapređivanje odgojno-obrazovnog rada u odjeljenju,
 - h) obavlja i druge poslove, koji su utvrđeni u odredbama ovih Pravila.
- (4) Sjednice odjeljenskih vijeća se održavaju po potrebi, a obavezno na početku školske godine i kada se održavaju sjednice nastavničkog vijeća na kojima se sumiraju i analiziraju rezultati u učenju i vladanju učenika.
- (5) Odjeljenski starješina je obavezan sazvati sjednicu odjeljenskog vijeća na zahtjev direktora škole ili nastavničkog vijeća.
- (6) Odjeljenski starješina je dužan da u toku nastavne godine u saradnji sa predmetnim nastavnicima, prati i analizira postignute rezultate rada u napredovanju učenika kao i uzroke lošeg uspjeha u pojedinim nastavnim predmetima i o tome blagovremeno obavještavati roditelje, odnosno staratelje i stručne organe škole.

Član 66.

(Sastav i djelokrug stručnog aktiva)

- (1) Stručni aktiv čine nastavnici određenih nastavnih oblasti.
- (2) Stručnim aktivom rukovodi predsjednik stručnog aktiva.
- (3) Stručni aktiv obavlja sljedeće poslove:
- a) prati realizaciju nastavnog plana i programa i predlaže mjere za njegovo unapređenje,

- b) predlaže izmjene nastavnog plana i programa u skladu s tehnološkim razvojem i dostignućima u toj oblasti,
- c) daje prijedlog direktoru u vezi s formiranjem odjeljenja i podjelom predmeta na nastavnike,
- d) učestvuju u izradi programa stručnog usavršavanja nastavnika,
- e) utvrđuju godišnji program rada aktiva,
- f) vrše planiranje nastavnog gradiva,
- g) predlažu nove oblike rada,
- h) usklađuju kriterije ocjenjivanja učenika
- i) brinu se o upotrebi i stanju učila i predlažu njihovu nabavku,
- j) razmatraju rezultate rada po odjeljenjima i određuju kontinuitet u izlaganju nastavnih sadržaja i uzajamnu korelaciju nastavnih sadržaja
- k) pružaju pomoć nastavnicima u savladavanju određenih programskih sadržaja a naročito mladim nastavnicima i pripravnicima,
- l) izrađuju zajedničke testove i kontrolne radove
- m) planiraju i organizuju takmičenja iz pojedinih nastavnih predmeta
- n) učestvuje u radu asocijacije stručnih aktiva drugih osnovnih škola iz iste nastavne oblasti, obavljaju i druge poslove u skladu sa propisima i općim aktima škole.

XI ORGAN UPRAVLJANJA , RUKOVOĐENJA I KONTROLE POSLOVANJA

(A) ORGAN UPRAVLJANJA

Član 67.

(Sastava organa upravljanja)

- (1) Organ upravljanja u školi je školski odbor.
- (2) Školski odbor škole kao javne ustanove broji sedam članova i to: jedan predstavnik osnivača kojeg predlaže Ministarstvo, jedan predstavnik općine na čijem području se škola nalazi, tri predstavnika roditelja učenika i dva predstavnika uposlenika škole.

Član 68.

(Imenovanje organa upravljanja)

- (1) Školski odbor imenuje se na period od četiri godine sa mogućnošću jednog reizbora.
- (2) Konkurs za imenovanje članova školskog odbora raspisuje se najkasnije pet mjeseci prije isteka mandata.
- (3) Predsjednika i članove školskog odbora škole kao javne ustanove, na osnovu raspisanog Javnog konkursa, imenuje i razrješava Vlada na način i u postupku propisanim zakonom.
- (4) U proceduri koja prethodi postupku imenovanja članova školskog odbora, kandidat za člana školskog odbora iz reda roditelja učenika i iz reda zaposlenika škole obavezan je obezbijediti pisanu podršku strukture koju predstavlja u školskom odboru.
- (5) Konstituirajuću sjednicu školskog odbora saziva direktor najkasnije u roku od 15 dana od dana dostavljanja odluke Vlade o imenovanju školskog odbora.

(6) Odluku o standardima i kriterijima za nominiranje/imenovanje predsjednika i članova školskih i nadzornih odbora škole donosi Vlada na prijedlog Ministarstva.

Član 69.

(Razlozi za izuzeće u postupku imenovanja)

(1) U školskom odboru ne može se dozvoliti angažman licu za koje se u zakonom propisanom postupku, a na osnovu relevantne medicinske dokumentacije utvrdi da je: alkoholičar, ovisnik o narkoticima, kao i lice koje boluje od zarazne ili duševne bolesti.

(2) U slučaju kada je protiv lica koji je član školskog odbora potvrđena optužnica za krivična djela za koja se odredbama važećeg Krivičnog zakona Bosne i Hercegovine i Krivičnog zakona Federacije Bosne i Hercegovine (u daljem tekstu: krivični zakon) može izreći kazna zatvora u trajanju od šest mjeseci i više, škola je obavezna obavijestiti o tome osnivača, radi donošenja odluke o suspenziji tih lica do okončanja krivičnog postupka.

(3) O licima iz stava (2) ovog člana kojima je izrečena pravosnažna presuda ili mjera zbog počinjenog jednog ili više krivičnih djela iz stava (2) ovog člana, škola je obavezna obavijestiti osnivača, odnosno Ministarstvo radi donošenja odluke o njihovom razrješenju.

Član 70.

(Djelokrug rada organa upravljanja)

(1) Školski odbor osigurava djelotvorno i efikasno korištenje svih resursa škole.

(2) Nadležnosti u donošenju akata škole su:

- a) donošenje pravila škole;
- b) donošenje godišnjeg programa rada škole za tekuću godinu i izvještaja o realizaciji godišnjeg programa rada za prethodnu godinu;
- c) donošenje finansijskog plana i usvajanje godišnjeg obračuna; donošenje općeg akta o unutrašnjoj organizaciji i sistematizaciji radnih mjesta, i drugih općih akata u skladu sa relevantnim propisima;
- d) donošenje svog programa rada i izvještaja o svom radu koji podnosi osnivaču.

(3) Školski odbor je nadležan za rješavanje u prvom stepenu o:

- a) imenovanju i razrješenju direktora kao i zaključivanju ugovora o radu i prestanku rada direktora škole;
- b) imenovanju komisije za utvrđivanje prijedloga za izbor zaposlenika škole i drugih komisija za poslove iz svoje nadležnosti;
- c) korištenju sredstava preko iznosa određenog relevantnim propisima;
- d) žalbama i prigovorima zaposlenika na rješenje o ocjeni rada i drugim pravima, obavezama i odgovornostima iz radnog odnosa;
- e) žalbi učenika, odnosno roditelja ili staratelja učenika na odluku o izricanju odgojno-disciplinske mjere iz člana 66. ovih pravila;
- f) žalbama i prigovorima koji se odnose na rad direktora škole.

(4) Školski odbor je nadležan za odlučivanje u drugom stepenu po žalbama i prigovorima na odluke direktora škole na koje je dopuštena žalba ili prigovor, posebno po žalbama i prigovorima koji se odnose na rad nastavnika, stručnih i drugih saradnika.

(5) Školski odbor, osim nadležnosti propisanih stavovima (2), (3) i (4) ovog člana, obavlja i slijedeće:

- a) usmjerava, kontrolira i ocjenjuje rad direktora;
- b) razmatra prijedloge odluka, preporuke i prijedloge koje se upute školskom odboru i preduzima odgovarajuće mjere, rješava sva pitanja odnosa s osnivačem, vrši i druge poslove u skladu sa relevantnim propisima i ovim pravilima.

(6) Plan kadrovskih potreba usvaja školski odbor kontinuirano kao dio Sistema uspostave, osiguranja i upravljanja kvalitetom u osnovnoj školi.

(7) Školski odbor u skladu sa zakonom, na prijedlog nastavničkog vijeća škole, obavezan je donijeti Plan kadrovskih potreba za naredni petogodišnji period.

Član 71.

(Način rada organa upravljanja)

(1) Odluke školskog odbora donose se najmanje dvotrećinskom većinom ukupnog broja članova školskog odbora.

(2) Obavljanje dužnosti člana školskog odbora je dobrovoljno i besplatno.

(3) Način rada školskog odbora regulira se Poslovníkom o radu.

(B) ORGAN RUKOVOĐENJA

Član 72.

(Ograničenja u zastupanju organa rukovođenja)

(1) Organ rukovođenja u školi je direktor škole.

(2) Direktor škole, zastupa školu neograničeno, osim nabavke osnovnih sredstava u vrijednosti većoj od 1.000,00KM, zašto mu je potrebna saglasnost Školskog odbora.

Član 73.

(Imenovanje i uslovi za imenovanje organa rukovođenja)

(1) Direktora škole imenuje školski odbor, na osnovu javnog konkursa.

(2) Za direktora škole može biti imenovano lice koje, osim općih uvjeta, u pogledu stručne spreme ispunjava uvjete za nastavnika ili pedagoga škole u koju konkuriše i ima najmanje 8 godina radnog iskustva i od toga najmanje 5 godina na poslovima u nastavi ili na pedagoško-psihološkim poslovima, te ima najmanje VII stepen stručne spreme, odnosno završen najmanje II ciklus bolonjskog visokoobrazovnog procesa, i ima najmanje zvanje mentora, kao i druge uslove propisane Zakonom.

(3) Vlada Kantona daje saglasnost za kandidata/kandidate koje predloži školski odbor, a koji ispunjavaju uslove konkursa i kriterije iz pravilnika koji donosi ministar.

(4) Ukoliko Vlada u roku od 60 dana od dana dostavljanja zahtjeva za davanje saglasnosti ne odluči o podnesenom zahtjevu, smatrat će se da je data suglasnost za predloženog kandidata.

(5) U proceduri koja prethodi postupku imenovanja direktora škole, član školskog odbora je obavezan obezbijediti i podržati obrazložen prijedlog strukture koju predstavlja u školskom odboru, a koja se odnosi na kandidata za direktora kojeg ta struktura podržava, na osnovu rezultata dobivenih nakon procedure koja omogućava neposredno i tajno izjašnjavanje svih zainteresovanih roditelja, staratelja i zaposlenika, a što će se detaljno propisati Pravilnikom koji donosi ministar uz konsultacije sa Vijećem roditelja i Sindikatom.

(6) Direktor škole se imenuje na period od četiri godine sa mogućnošću ponovnog izbora uz ograničenje od najviše dva uzastopna mandata u istoj školi.

(7) Na prava i obaveze uposlenika koji su imenovani za direktora škole primjenjuju se odgovarajuće odredbe zakona i kolektivnog ugovora za djelatnost osnovnog obrazovanja, kojima se uređuju prava i obaveze iz radnog odnosa, a koje nisu utvrđene Zakonom i ovim pravilima.

(8) Školski odbor je obavezan razriješiti dužnosti direktora i prije isteka mandata zbog dokazanog kršenja zakona ili profesionalne nekompetentnosti i u slučajevima iz člana 78., 79. i 80. ovih Pravila, te u skladu sa Zakonom o ustanovama.

(9) Ukoliko direktor škole nije imenovan, odnosno ukoliko je razriješen prije isteka mandata, školski odbor će odmah iz reda nastavnika ili stručnih saradnika škole imenovati vršioca dužnosti direktora na period koji ne može biti duži od šest mjeseci od dana imenovanja i raspisati javni konkurs za izbor i imenovanje direktora.

(10) Vršilac dužnosti direktora mora ispunjavati sve uvjete propisane u stavu (2) ovog člana i ima sva prava i obaveze direktora škole.

(11) Za direktora i vršioca dužnosti direktora ne može se imenovati:

a) lice za koje se u zakonom propisanom postupku, a na osnovu relevantne medicinske dokumentacije utvrdi da je alkoholičar, odnosno ovisnik o narkoticim;

b) lice koje boluje od duševne bolesti;

c) lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine i Bosne i Hercegovine može izreći kazna zatvora u trajanju od tri mjeseca i više.

Član 74.

(Donošenje odluke o izboru)

(1) Školski odbor može donijeti odluku o izboru direktora samo u slučaju da je većina članova školskog odbora prisutna na sastanku.

(2) Školski odbor donosi odluku o izboru kandidata za imenovanje direktora škole najmanje dvotrećinskom većinom glasova od ukupnog broja članova školskog odbora.

(3) Za članove školskog odbora iz reda nastavnika i roditelja prilikom donošenja odluke za imenovanje direktora obavezujući su rezultati glasanja sa stručnog vijeća uposlenika/nastavničkog vijeća i vijeća roditelja

Član 75.
(Prestanak dužnosti organa rukovođenja)

- (1) Dužnost direktora prestaje:
- a) istekom mandata,
 - b) na lični zahtjev,
 - c) razrješenjem,
 - d) sticanjem uvjeta za prestanak radnog odnosa zbog odlaska u penziju i
 - e) drugim slučajevima utvrđenim zakonom, provedbenim aktima i ovim pravilima.
- (2) Odluku o prestanku dužnosti direktora donosi školski odbor.

Član 76.
(Razrješenje organa rukovođenja prije isteka mandata)

Školski odbor je obavezan razriješiti direktora prije isteka mandata ako:

- a) se utvrdi da ne izvršava obaveze iz ovog zakona;
- b) se utvrdi u zakonom propisanom postupku, a na osnovu relevantne medicinske dokumentacije da je alkoholičar, odnosno ovisnik o narkoticima;
- c) se utvrdi da, u zakonom propisanom postupku, a na osnovu relevantne medicinske dokumentacije, boluje od zarazne ili duševne bolesti;
- d) je izrečena pravosnažna presuda ili mjera zbog počinjenog jednog ili više krivičnih djela za koja se odredbama važećeg krivičnog zakona može izreći kazna zatvora u trajanju od tri mjeseca i više;
- e) se utvrdi da je škola odnosno direktor odgovoran za teži prekršaj iz ovog zakona ili privredni prestup;
- f) se utvrdi da škola ne ostvaruje utvrđeni nastavni plan i program ili ga ostvaruje sa utvrđenim, odnosno neotklonjenim nedostacima i nepravilnostima;
- g) direktor ne postupi po nalogu odnosno mjeri suda, Ministarstva ili inspektora za otklanjanje utvrđenih nepravilnosti odnosno nedostataka ili ako direktor postupi suprotno aktima suda, Ministarstva ili nadležne inspekcije;
- h) nadležni organ utvrdi da nesavjesno i nestručno obavlja poslove direktora;
- i) predlaganjem nezakonitih odluka, ili radom suprotno poslovniku, onemogućuje rad školskog odbora i zaposlenih;
- j) dostavi Ministarstvu netačne podatke o broju odjeljenja, učenika, časova i radnika;
- k) fizički kažnjava, omalovažava i vrijeđa ličnost učenika, zaposlenika i roditelja, ili neprimjerenim ponašanjem narušava ugled škole, ugled prosvjetnog radnika i društva u cjelini, a što se preciznije uređuje kućnim redom sa etičkim kodeksom;
- l) se u toku mandata utvrdi da ne ispunjava uvjete ili se utvrdi da je predao dokumente ili izjave tokom postupka prijave na konkurs, za koje se kasnije utvrdi da nisu vjerodostojni;
- m) i drugim slučajevima u skladu sa zakonom.

Član 77
(Suspendovanje organa rukovođenja)

(1) U slučaju kada je protiv direktora potvrđena optužnica za krivična djela za koja se odredbama važećeg krivičnog zakona može izreći kazna zatvora u trajanju od tri mjeseca i više, osnovna škola je obavezna obavijestiti osnivača radi donošenja odluke o suspenziji do okončanja krivičnog postupka.

(2) U slučaju kršenja zakona, profesionalne nekompetentnosti ili nemarnosti, školski odbor je obavezan po hitnom postupku suspendovati direktora škole, do konačnog rješenja u skladu sa

zakonom. Suspendovani direktor ostvaruje prava u skladu sa Kolektivnim ugovorom za djelatnost osnovnog obrazovanja i u skladu sa Zakonom.

(3) Za vrijeme suspenzije školski odbor će imenovati vršioca dužnosti direktora iz reda nastavnika ili stručnih saradnika škole, koji ispunjava uvjete iz Zakona i ovih pravila.

Član 78.

(Djelokrug rada organa rukovođenja)

(1) Direktor osnovne škole je odgovoran za zakonitost rada i stručni rad škole.

(2) Direktor osnovne škole, osim poslova i zadataka utvrđenih Zakonom, obavlja i slijedeće poslove:

a) priprema nacrt godišnjeg programa obrazovno-odgojnog rada osnovne škole nakon čijeg donošenja je odgovoran za njegovo provođenje;

b) predlaže finansijski plan škole;

c) u skladu sa pravilnikom iz člana 80. ovih pravila vrši izbor i postavljenje zaposlenika i sa njima zaključuje ugovor o radu;

d) donosi rješenja o prestanku ugovora o radu;

e) utvrđuje raspored nastavnika i drugih zaposlenika škole na određene poslove, u skladu sa općim aktom o organizaciji i sistematizaciji radnih mjesta u školi;

f) utvrđuje raspored radnog vremena nastavnika i stručnih saradnika;

g) predlaže raspored časova nastavničkom vijeću;

h) drži ogleadni ili ugledni čas jedanput u toku dvije nastavne godine;

i) podnosi izvještaj o uspjehu i postignutim rezultatima obrazovno-odgojnog rada školskom odboru, osnivaču, Prosvjetno-pedagoškom zavodu, ministru i nadležnom općinskom organu na kraju prvog polugodišta i na kraju školske godine;

j) rješava po žalbama i prigovorima na rad nastavnika, stručnih i drugih saradnika;

k) odgovoran je za izvršenje naloga Ministarstva, prosvjetnog inspektora i stručnog savjetnika u slučaju nedoličnog ponašanja nastavnika, odnosno stručnih saradnika i njihovog negativnog uticaja na učenike i druge nastavnike;

l) izvršava odluke školskog odbora i nastavničkog vijeća;

m) podnosi finansijski izvještaj školskom odboru i osnivaču;

n) vrši i druge poslove utvrđene relevantnim propisima i ovim pravilima.

Član 79.

(Pomoćnik direktora škole)

(1) Škola, u skladu sa Pedagoškim standardima i normativima, može imati pomoćnika direktora ili voditelja dijela nastavnog procesa, a u skladu sa Zakonom o ustanovama.

(2) Za pomoćnika direktora škole može biti imenovano lice koje ispunjava uslova za direktora škole.

(3) Školski odbor na prijedlog direktora, imenuje pomoćnika direktora, odnosno voditelja dijela nastavnog procesa nakon provedene procedure koja prvo podrazumjeva interno oglašavanje u školi, a ukoliko se ne izvrši izbor iz reda nastavnika ili stručnih saradnika zaposlenih u školi, škola objavljuje javni konkurs.

(4) Pomoćnik direktora, odnosno voditelja dijela nastavnog procesa se imenuje na period od četiri godine i može biti ponovo imenovan.

Član 80.

(Razrješenje dužnosti pomoćnika direktora škole)

- (1) Školski odbor može razriješiti dužnosti pomoćnika direktora i prije isteka mandata zbog dokazanog kršenja zakona ili dokazane profesionalne nekompetentnosti.
- (2) U slučaju dokazanog kršenja zakona, dokazane profesionalne nekompetentnosti ili nemarnosti, Školski odbor može po hitnom postupku suspendovati pomoćnika direktora Škole, do konačnog rješenja u skladu sa zakonom.
- (3) Školski odbor može razriješiti pomoćnika direktora škole i na njegov zahtjev.

Član 81.

(Djelokrug rada pomoćnika direktora škole)

- (1) Pomoćnik direktora škole, obavlja i sljedeće poslove:
 - a) zamjenjuje direktora škole za vrijeme njegove odsutnosti;
 - b) obavlja uži stručni nadzor u smjeni u kojoj radi i u suprotnoj smjeni ako je direktor odsutan;
 - c) u saradnji sa direktorom učestvuje u izradi prijedloga akata koje usvaja školski odbor;
 - d) u saradnji sa direktorom priprema sjednice nastavničkog vijeća i učestvuje na sjednicama nastavničkog vijeća;
 - e) obavlja i druge poslove koji po prirodi posla spadaju u nadležnost pomoćnika direktora.

(C) ORGAN KONTROLE POSLOVANJA

Član 82.

(Sastav i imenovanje organa kontrole)

- (1) Nadzorni odbor obavlja kontrolu poslovanja osnovne škole.
- (2) Nadzorni odbor osnovne škole kao javne ustanove broji tri člana i to: jedan predstavnik kojeg predlaže Ministarstvo, jedan predstavnik kojeg predlaže općinski načelnik općine na čijem području se škola nalazi, jedan predstavnik kojeg predlažu zaposlenici škole.
- (3) Predsjednika i članove nadzornog odbora osnovne škole kao javne ustanove, na osnovu raspisanog Javnog konkursa, imenuje i razrješava Vlada na način i u postupku propisanim Zakonom.

Član 83.

(Djelokrug rada organa kontrole)

- (1) Nadzorni odbor škole obavlja sljedeće poslove:
 - a) kontrolira donošenje i realizaciju finansijskog plana i godišnjeg obračuna,
 - b) kontrolira izvršavanje obaveza iz ugovora o zakupu (ukoliko škola stiče prihode na osnovu zakupa),
 - c) kontrolira priliv finansijskih sredstava na osnovu donacija pravnih i fizičkih lica, održavanje kurseva instruktivne nastave i prodaje proizvoda, intelektualnih i drugih usluga,
 - d) informira se o prihodima koje škola stiče iz legata, poklona i zavještanja.

XII SARADNJA I NAČIN OSTVARIVANJA SARADNJE ŠKOLE SA RODITELJIMA UČENIKA

Član 84.

(Prava, obaveze i odgovornosti roditelja)

- (1) U cilju efikasnijeg ostvarivanja ciljeva i zadataka odgojno - obrazovnog rada, škola saraduje sa roditeljima učenika.
- (2) Škola je obavezna na početku školske godine upoznati učenike i roditelje ili staratelje učenika s njihovim pravima, dužnostima i odgovornostima, utvrđenim Zakonom o osnovnom odgoju i obrazovanju i Pravilima škole.

Član 85.

(Način ostvarivanja saradnje škole sa roditeljima)

- (1) Saradnja i način ostvarenja saradnje škole sa roditeljima učenika se odvija kroz:
 - a) održavanje roditeljskih sastanaka,
 - b) održavanje razrednih roditeljskih sastanaka,
 - c) održavanje odjeljenskih roditeljskih sastanaka,
 - d) zakazivanjem individualnih i grupnih razgovora sa roditeljima, razrednim starješinama ili predmetnim nastavnicima.
- (2) Škola organizuje i druge vidove saradnje sa roditeljima učenika.
- (3) Plan i program saradnje sa roditeljima učenika je sastavni dio Godišnjeg plana i programa škole.

XIII FORMIRANJE I RAD VIJEĆA RODITELJA

Član 86.

(Formiranje i rad Vijeća roditelja)

- (1) Škola ima Vijeće roditelja, koje se bira za tekuću školsku godinu, a čine ga po jedan roditelj učenika iz svakog odjeljenja koji mogu biti birani više puta.
- (2) Vijeće roditelja bira predsjednika većinom glasova, a prvu sjednicu saziva direktor škole.
- (3) Rad Vijeća roditelja bliže se reguliše Poslovnikom o radu Vijeća roditelja.
- (4) Zapisnici sa sjednica vijeća roditelja se vode u tvrdo povezanoj svesci čije su stranice numerisane, a potpisuju ga zapisničar i predsjednik vijeća roditelja.

Član 87.
(Aktivnosti koje provodi Vijeće roditelja)

Opće aktivnosti Vijeća roditelja su:

- a) promoviranje interesa zajednice u kojoj se škola nalazi i interesa škole u toj zajednici,
- b) prezentiranje stavova roditelja učenika Školskom odboru ili bilo kojoj drugoj zainteresiranoj strani,
- c) podržavanje aktivnog učešća roditelja i zajednice u radu škole,
- d) obavještanje Školskog odbora i bilo koje druge zainteresovane strane o stavovima Vijeća kad to smatra neophodnim ili po zahtjevu Školskog odbora ili druge zainteresovane strane,
- e) predlaganje predstavnika roditelja za člana Školskog odbora,
- f) učešće u pripremi i realizaciji odgovarajućih projekata koji podržavaju i promoviraju odgojno-obrazovni rad u školi,
- g) razvijanje komunikacije i odnosa između učenika, nastavnika, roditelja i zajednice,
- h) poboljšanje uvjeta rada škole,
- i) donosi Poslovnik o radu vijeća roditelja,
- j) druge aktivnosti koje su od općeg interesa za školu.

Član 88.
(Procedura izbora predstavnika Vijeća roditelja u Školski odbor)

- (1) U okviru općih aktivnosti Vijeća roditelja koje su od općeg interesa za školu je i utvrđivanje prijedloga kandidata za člana Školskog odbora.
- (2) Kandidata za člana Školskog odbora - predstavnika roditelja učenika utvrđuje Vijeće roditelja većinom glasova Vijeća roditelja.
- (3) Odluka o utvrđenom prijedlogu za člana Školskog odbora - predstavnika roditelja učenika, dostavlja se u sekretarijat škole radi dostave nadležnom organu za imenovanje članova Školskog odbora.

XIV FORMIRANJE I RAD VIJEĆA UČENIKA

Član 89.
(Formiranje i rad Vijeća učenika)

- (1) Učenici u školi formiraju udruženje učenika pojedinačnih razreda.
- (2) Vijeće učenika pojedinačnih razreda čine svi učenici jednog razreda.
- (3) Sjednice Vijeća učenika pojedinačnog razreda saziva i njima rukovodi učenik koji dobije najviše glasova učenika određenog razreda.
- (4) Vijeća učenika pojedinačnih razreda dužna su da do kraja septembra tekuće školske godine predlože svoje predstavnike u Vijeću učenika škole.
- (5) Vijeće učenika bira se za tekuću školsku godinu, a sačinjavaju ga po jedan učenik iz svakog pojedinačnog razreda koji mogu biti birani više puta.
- (6) Vijeće učenika bira predsjednika i zamjenika predsjednika većinom glasova, a prvu sjednicu saziva direktor škole.
- (7) U skladu sa Zakonom o osnovnom odgoju i obrazovanju funkcija Vijeća učenika je:
 - a) promoviranje interesa škole na području općine gdje se škola nalazi,

- b) prezentiranje stavova učenika Školskom odboru,
- c) podsticanje angažiranosti učenika u radu škole,
- d) informiranje Školskog odbora o svojim stavovima, kada ocijeni da je to potrebno ili po zahtjevu Školskog odbora, o svakom pitanju koje se odnosi na rad i upravljanje školom.

Član 90.

(Sastav i rad koordinacionog odbora)

- (1) Škola ima koordinacioni odbor sastavljen od 7 članova koji se bira za tekuću školsku godinu, a čine ga 3 predstavnika učenika iz vijeća učenika, dva predstavnika roditelja učenika iz vijeća roditelja učenika i dva predstavnika iz reda nastavnika, stručnih saradnika.
- (2) Koordinacioni odbor bira predsjednika većinom glasova, a prvu sjednicu saziva direktor škole.
- (3) Koordinacioni odbor koordinira značajne aktivnosti za rad škole, a naročito aktivnosti vezane za:
 - a) održavanje zajedničkih roditeljskih sastanaka,
 - b) održavanje razrednih roditeljskih sastanaka,
 - c) održavanje odjeljenjskih roditeljskih sastanaka,
 - d) zakazivanje individualnih i grupnih razgovora sa roditeljima, razrednicima ili predmetnim nastavnicima,
 - e) prati socijalne probleme učenika i u tom pravcu koordinira ustanovu za socijalnu zaštitu sa ciljem da svaki učenik dobije pomoć i savjet potreban za prevazilaženje takvih problema,
 - f) koordinira i druge aktivnosti značajne za rad škole.

XV OSTVARIVANJE JAVNOSTI RADA ŠKOLE

Član 91.

(Javnost rada škole)

- (1) Rad škole je javan.
- (2) Javnost rada škole obezbjeđuje se:
 - a) zajedničkim planiranjem pojedinih oblika rada škole sa osnivačem, Ministarstvom, mjesnim područjem i drugo,
 - b) roditeljskim sastancima,
 - c) individualnim i grupnim razgovorima,
 - d) učešćem predstavnika roditelja učenika u Školskom odboru,
 - e) redovnom izvještavanju roditelja, osnivača, Ministarstva o uspjehu učenika i vladanju,
 - f) drugim načinima koji će učiniti rad škole dostupnim javnosti

XVI ORGANIZACIJA RADA U PRODUŽENOM BORAVKU ILI CJELODNEVNOM BORAVKU U ŠKOLI

Član 92.

(Organizacija rada produženog ili cjelodnevnog boravka)

- (1) U skladu sa zakonom škola može organizovati produženi i cjelodnevni boravak u školi za učenike i određene vrste tečajeva za odrasle, uz saglasnost ministra.

- (2) Ukoliko se obezbijede sredstva za rad, u produženi, odnosno, cjelodnevni boravak, uključuju se učenici prvog, drugog i trećeg razreda.
- (3) Ukoliko ne bude dovoljno učenika prvog, drugog i trećeg razreda, u produženi, odnosno cjelodnevni boravak, mogu se uključiti učenici četvrtog razreda.
- (4) Broj učenika u grupi produženog ili cjelodnevnog boravka utvrđuje se Pedagoškim standardima.
- (5) Programski sadržaji produženog ili cjelodnevnog boravka učenika utvrđuju se Godišnjim programom rada škole.
- (6) Bliži uslovi organizacije rada u produženom ili cjelodnevnom boravku, upisu, te način finansiranja i slično uređuju se odlukom o osnivanju i organizaciji produženog ili cjelodnevnog boravka u školi, koju donosi školski odbor.

XVII SADRŽAJ I OBLICI DRUŠTVENE, KULTURNE I SPORTSKE AKTIVNOSTI

Član 93.

(Saradnja i povezanost škole sa sredinom na svom području)

- (1) Škola u svom radu ostvaruje stalnu neposrednu saradnju i povezanost sa sredinom na svom području.
- (2) Sadržaj i oblici društveno- kulturne i sportske aktivnosti škole su:
 - a) kulturno-umjetničke i sportske priredbe za učenike, roditelje, građane,
 - b) susreti sa poznatim ličnostima iz kulturnog, sportskog i društvenog života,
 - c) učešće u brojnim takmičenjima u školi i šire,
 - d) posjeta kulturnim i historijskim spomenicima,
 - e) izložbe učeničkih radova,
 - f) uređenje školskih informativnih i tematskih novina i slično.

Član 94.

(Kalendar značajnih datuma)

- (1) Kalendar proslave značajnih datuma utvrđuje se Godišnjim planom i programom škole.
- (2) Sadržaj društvene, kulturne i sportske aktivnosti odvijaje se u okviru:
 - a) proslava značajnih datuma, sudjelovanja u kulturno- umjetničkim i sportskim manifestacijama i akcijama,
 - b) saradnje sa brojnim društvenim, obrazovnim i drugim institucijama.

XVIII OPĆI AKTI KOJI SE DONOSE U ŠKOLI I NAČIN DONOŠENJA

Član 95. (Opći akti škole)

Pored Pravila kao osnovnog općeg akta škole, u školi se donose pravilnici i poslovnici kao autonomna opća akta škole i to:

- a) PRAVILA O KUĆNOM REDU,
- b) PRAVILNIK O RADU,
- c) PRAVILNIK O ORGANIZACIJI I SISTEMATIZACIJI RADNIH MJESTA
- d) PRAVILNIK O PLAĆAMA, NAKNADAMA I DRUGIM MATERIJALNIM PRAVIMA IZ RADNOG ODNOSA
- e) PRAVILNIK O PROTIVPOŽARNOJ ZAŠTITI I OBEZBJEĐENJU OBJEKTA
- f) POSLOVNIK O RADU ŠKOLSKOG ODBORA,
- g) POSLOVNIK O RADU VIJEĆA RODITELJA,
- h) POSLOVNIK O RADU VIJEĆA UČENIKA,
- i) DRUGA NEOPHODNA AKTA

Član 96. (Način donošenja općih akata)

- (1) Pravilnici i poslovnici i druga neophodna opća akta škole iz prethodnog člana izuzev poslovnika o radu Vijeća roditelja i Poslovnika o radu Vijeća učenika, donosi Školski odbor.
- (2) Poslovnik o radu Vijeća roditelja donosi Vijeće roditelja uz saglasnost direktora škole, a poslovnik o radu Vijeća učenika donosi Vijeće učenika uz saglasnost direktora škole.

Član 97. (Pravilnik o kućnom redu)

- (1) Pravilima o kućnom redu škole, kao posebnim aktom regulišu se sljedeća pitanja:
 - a) dolazak i boravak u školi učenika, nastavnog i stručnog osoblja, kao i drugih lica,
 - b) dežurstvo učenika i nastavnog osoblja,
 - c) odnos učenika prema nastavnicima i drugim licima,
 - d) druga pitanja vezana za održavanje radnog reda i rada u školi.
- (2) Nacrt pravila o kućnom redu škole izrađuje direktor, odnosno lice koje on ovlasti. Nastavničko vijeće ih potvrđuje u formi prijedloga i ista dostavlja Školskom odboru na usvajanje.
- (3) Školski odbor na prijedlog Nastavničkog vijeća škole donosi Pravilnik o kućnom redu sa etičkim kodeksom koji je usaglašen sa instrukcijom koju donosi ministar.

Član 98. (Oblast koju regulišu opća akta)

- (1) Pravilnikom o radu, Pravilnikom o organizaciji i sistematizaciji radnih mjesta i Pravilnikom o plaćama i naknadama bliže se uređuju poslovi koje lično obavlja zaposlenik u školi i po tom

osnovu ostvaruje prava i obaveze u skladu sa Zakonom o osnovnom odgoju i obrazovanju, Zakonom o radu, propisima Kantona, Kolektivnom ugovoru i Ugovoru o radu.

(2) Pravilnikom o protivpožarnoj zaštiti i obezbjeđenju objekata, bliže se uređuje materija protivpožarne zaštite i obezbjeđenja objekta škole, kao i postupci lica zaduženih za protivpožarnu zaštitu i obezbjeđenje objekta škole.

Član 99.

(Procedura izrade i donošenja općih akata)

(1) Prednacrt pravilnika iz prethodnog člana izrađuje sekretar škole i dostavlja ih direktoru škole na dalju obradu i potvrđivanje.

(2) Direktor škole dorađeni, odnosno potvrđeni prednacrt pravilnika iz prethodnog stava, dostavlja u formi nacrtu sindikatu škole.

(3) Sindikat škole u formi prijedloga, pravilnike iz prethodnog stava dostavlja Školskom odboru na usvajanje.

(4) Nacrt Poslovnika o radu Školskog odbora izrađuje sekretar škole i dostavlja isti direktoru škole na potvrđivanje.

(5) Direktor škole potvrđeni nacrt Poslovnika u formi prijedloga dostavlja Školskom odboru na usvajanje.

(6) Sva opća akta škole, uključujući i budžet su javna i uposlenici imaju neposredno pravo uvida u iste.

XIX NAČIN NAPREDOVANJA UČENIKA I ZAVRŠAVANJE DVA RAZREDA ZA JEDNU ŠKOLSKU GODINU

Član 100

(Način napredovanja učenika)

(1) Učeniku koji u prethodnom razredu ostvari odličan opći uspjeh sa prosječnom ocjenom 5,00 i ima primjerno vladanje može se na zahtjev roditelja ili staratelja odobriti da završi dva razreda u toku jedne školske godine, pod uvjetima i na način utvrđen ovim Pravilima.

(2) Odluku o zahtjevu iz stava (1) ovog člana donosi Nastavničko vijeće osnovne škole.

Član 101.

(Uslovi za napredovanje učenika)

(1) Učenik koji želi da završi u toku jedne školske godine dva razreda, dužan je da jedan razred završi redovno, pohađanjem nastave, a drugi (stariji razred) pripremanjem i polaganjem ispita.

(2) Na početku školske godine, a najkasnije do 15. septembra, učenik ako želi da završi dva razreda u toku jedne školske godine, podnosi zahtjev Nastavničkom vijeću. Uz zahtjev je obavezno priložiti pismenu saglasnost roditelja, odnosno staratelja.

(3) Nastavničko vijeće dužno je u roku od 15 dana utvrditi da li učenik ispunjava uslove za završavanje dva razreda i o tome donosi odluku.

(4) Ako je učeniku odobreno završavanje dva razreda, škola je dužna učeniku pružiti stručnu pomoć u pripremi polaganja ispita starijeg razreda.

(5) Stručna pomoć iz prethodnog stava sastoji se u organizaciji i pružanju dodatne nastave.

Član 102.

(Upis ocjena o položenom razredu)

(1) Ocjena o položenom razredu upisuje se u matičnu knjigu.

(2) Ocjena se upisuje u školskoj godini u kojoj je vršeno polaganje starijeg razreda, kako bi se vidjelo da je završio dva razreda u jednoj školskoj godini.

XX ODGOJNO DISCIPLINSKE MJERE KOJE SE MOGU IZREĆI UČENIKU, PROCEDURA I POSTUPAK IZRICANJA

Član.103.

(Izricanje odgojno-disciplinskih mjera)

(1) U toku školske godine učeniku se izriču odgojno-disciplinske mjere za učinjene teže i lakše povrede učeničkih dužnosti.

(2) Odgojno – disciplinske mjere su:

- a) ukor razrednika,
- b) ukor odjeljenskog vijeća,
- c) ukor direktora,
- d) ukor nastavničkog vijeća,
- e) premještaj u drugo odjeljenje iste škole,
- f) premještaj u drugu najbližu osnovnu školu na području općine, odnosno Kantona ,

(3) Mjere premještaja u drugu najbližu osnovnu školu na području općine, odnosno Kantona se može izreći samo za učenika od petog do devetog razreda.

(4) Najbliža osnovna škola iz predhodnog stava, obavezna je primiti učenika kome je, nakon konačnog rješenja, izrečena odgojno-disciplinska mjera premještaj u drugu najbližu osnovnu školu.

(5) Kada škola izrekne odgojno-disciplinsku mjeru premještaj u drugu najbližu osnovnu školu dužna je o tome obavijestiti Centar za socijalni rad Kantona Sarajevo.

(6) Odgojno-disciplinske mjere ukor nastavničkog vijeća i premještaj u drugo odjeljenje iste škole, kao i odgojno-disciplinska mjera ukor nastavničkog vijeća i premještaj u drugu najbližu osnovnu školu na području općine, odnosno Kantona, izriče nastavničko vijeće o čemu se donosi rješenje uz predhodno pribavljeni izvještaj disciplinske komisije o provedenom disciplinskom postupku.

(7) Odgojno-disciplinska mjera premještaja u drugu školu može se učeniku izreći samo jednom u toku školske godine

(8) Odgojno disciplinske mjere izriču se postupno osim u slučajevima teže povrede učeničkih dužnosti.

Član 104.
(Ukor razrednika)

(1) Ukor razrednika može se izreći za lakše povrede školske discipline.

(2) Pod lakšim povredama školske discipline u smislu predhodnog stava smatraju se:

- a) 10 neopravdanih izostanaka sa pojedinih časova,
- b) samovoljno napuštanje časova u 10 navrata,
- c) 10 neopravdanih zakašnjenja u školu,
- d) nekolegijalan ili uvredljiv odnos prema drugovima,
- e) nezalaganja u učenju i neostvarivanje pozitivnih rezultata iz neopravdanih razloga iz najmanje dva predmeta.

Član 105.
(Ukor odjeljskog vijeća)

Ukor Odjeljskog vijeća može se izreći za sljedeće teže povrede školske discipline:

- a) neopravdani nedolazak u školu 3 dana,
- b) neopravdani izostanci sa časova više od 15 puta,
- c) samovoljno napuštanje časova više od 15 puta,
- d) dolazak u školu sa zakašnjenjem više od 15 puta,
- e) uvredljiv odnos prema nastavnicima,
- f) čestalo ometanje rada na časovima i pored usmene opomene,
- g) nesurađivanje i pasivan odnos u radu sa nastavnicima,
- h) nezalaganje u učenju i neostvarivanje pozitivnih rezultata iz neopravdanih razloga iz najmanje tri predmeta,
- i) nečuvanje školskog inventara.

Član 106.
(Ukor direktora)

Ukor direktora može se izreći za sljedeće teže povrede školske discipline:

- a) neopravdan dolazak u školu 5 dana.
- b) učestali neopravdani izostanci sa pojedinih časova više od 20 puta,
- c) učestalo samovoljno napuštanje časova više od 20 puta,
- d) učestali uvredljiv odnos prema nastavnicima ili zaposlenicima škole,
- e) dolazak u školu uz konzumiranje narkotičnih sredstava ,
- f) prisvajanje pojedinih predmeta-školske imovine male vrijednosti,
- g) ne čuvanje i neprimjeran odnos prema školskoj imovini
- h) izazivanje i učestvovanje u tuči u školi i na drugom mjestu.

Član 107.
(Ukor Nastavničkog vijeća i premještaj u drugo odjeljenje)

Ukor Nastavničkog vijeća i premještaj u drugo odjeljenje iste škole može se izreći za sljedeće povrede školske discipline:

- a) neopravdan dolazak u školu više od 6 dana,
- b) učestali neopravdani izostanci sa časova više od 25 puta,
- c) učestalo samovoljno napuštanje časova više od 25 puta,
- d) učestali nedolasci u školu sa zakašnjenjem više od 25 puta,
- e) učestali uvredljiv odnos prema nastavnicima ili zaposlenicima škole,
- f) ne čuvanje školske imovine i prouzrokovanje štete na pojedinim dijelovima imovine male vrijednosti,
- g) prisvajanje školskih predmeta,
- h) stalno ometanje rada u toku nastave i pored ukora Odjeljenskog vijeća,
- i) nezalaganje u učenju i neostvarivanje pozitivnih rezultata iz neopravdanih razloga iz 3 ili više predmeta,
- j) uvrjedljiv ili nepristojan odnos prema direktoru škole.

Član 108.
(Premještaj u drugu školu)

Premještaj u drugu najbližu osnovnu školu na području iste općine odnosno Kantona može se izreći učeniku za sljedeće teže povrede školske discipline:

- a) ne čuvanje školske imovine i prouzrokovanje štete veće vrijednosti,
- b) prisvajanje školskih predmeta veće vrijednosti,
- c) stalno ometanje rada u toku nastave i pored izrečene mjere ukora Nastavničkog vijeća,
- d) uvredljiv odnos prema nastavnicima i drugim zaposlenicima škole i pored ukora direktora,
- e) ne zalaganje u učenju i neostvarivanje pozitivnih rezultata iz neopravdanih razloga iz više predmeta u dužem vremenskom periodu.

Član 109.
(Sastav i rad Disciplinske komisije)

(1) Disciplinska komisija se sastoji od predsjednika i dva člana koje bira Školski odbor škole iz reda nastavnika za školsku godinu.

(2) U Disciplinsku komisiju ne mogu biti birani članovi školskog odbora škole i direktor.

(3) Incijativu za pokretanje disciplinskog postupka može dati svaki zaposlenik škole. Disciplinska komisija donosi odluke većinom glasova.

(4) O radu disciplinske komisije vodi se sveska zapisnika.

(5) Učenik mora biti saslušan pred Disciplinskom komisijom, izuzev ako se bez opravdanih razloga ne odazove na uredno dostavljen poziv.

(6) Disciplinski organi su dužni najmanje jedanput godišnje podnijeti Školskom odboru izvještaj o izrečenim odgojno-disciplinskim mjerama.

Član 110.
(Žalba na mjere koje izriče Nastavničko vijeće)

- (1) Nadležni organ Škole može:
 - a) osloboditi učenika od odgovornosti
 - b) proglasiti učenika odgovornim i izreći mu odgojno-disciplinsku mjeru.
- (2) Protiv odgojno-disciplinske mjere ukor Nastavničkog vijeća i premještaj u drugo odjeljenje iste škole, kao i odgojno-disciplinska mjera premještaj u drugu najbližu osnovnu školu na području Općine Centar, odnosno kantona, roditelj ili staratelj učenika može izjaviti žalbu Školskom odboru u roku od 7 dana od dana dostavljanja rješenja o odgojno-disciplinskoj mjeri.
- (3) Školski odbor je obavezan donijeti odluku po žalbi u roku od 8 (osam) dana koja je konačna.

Član 111.
(Period važenja odgojno-disciplinske mjere)

- (1) O izrečenim disciplinskim mjerama vodi se zapisnik i evidencija. Izrečena disciplinska mjera odnosi se na tekuću školsku godinu.
- (2) Odgojno-disciplinska mjera važi za školsku godinu u kojoj je izrečena, a može se u toku školske godine ublažiti ili ukinuti ukoliko učenik svojim ponašanjem pokaže da je došlo do prestanka razloga za izricanje mjere.
- (3) Ublažavanje, odnosno ukidanje odgojno-disciplinske mjere vrši organ koji je mjeru izrekao.

Član 112.
(Sniženje ocjene iz vladanja)

- (1) Ukori razrednika povlači sniženje ocjene iz vladanja na - "vrlodobar".
- (2) Ukori Odjeljenskog vijeća povlači sniženje ocjene iz vladanja na - "dobar".
- (3) Ukori direktora povlači sniženje ocjene iz vladanja na - "zadovoljava".
- (4) Ukori Nastavničkog vijeća povlači sniženje ocjene iz vladanja na - "loše".

Član 113.
(Organi koji odlučuje o prigovoru na izrečenu odgojno-disciplinsku mjeru)

- (1) O prigovoru na izrečenu odgojno - disciplinsku mjeru ukora razrednika odlučuje Odjeljensko vijeće.
- (2) O prigovoru na izrečenu mjeru ukora Odjeljenskog vijeća i ukora direktora odlučuje Nastavničko vijeće.

(3) O prigovoru na izrečenu odgojno-disciplinsku mjeru ukor nastavničkog vijeća i premještaj u drugo odjeljenje iste škole, kao i odgojno-disciplinska mjera premještaja u drugu najbližu osnovnu školu na području općine, odnosno Kantona, odlučuje školski odbor.

(4) Odluka školskog odbora je konačna.

Član 114.
(Evidencija izrečenih mjera)

(1) Izrečene odgojno-disciplinske mjere se obavezno evidentiraju u razrednoj knjizi i đачkoj knjižici.

(2) Za ispravnu evidenciju odgovoran je razrednik.

Član 115.
(Utvrđivanje štete i imenovanje Komisije za procjenu štete)

(1) Ako je povredom discipline nastala materijalna šteta, disciplinski organ donosi odluku o naknadi štete i daje inicijativu Komisiji za procjenu štete za pokretanje postupka radi utvrđivanja visine štete.

(2) Postojanje štete i okolnosti pod kojima je nastala, njenu visinu i odgovornost učenika koji je štetu prouzrokovao utvrđuje Komisija za procjenu štete.

(3) Školski odbor za svaku školsku godinu formira Komisiju za procjenu štete učinjene od učenika.

(4) Komisija se sastoji od predsjednika i dva člana.

(5) Dužnost komisije je da utvrdi stalnu materijalnu štetu i da odredi iznos nadoknade.

(6) Ne može se odrediti veća šteta od stvarne cijene, niti se može odrediti plaćanje nadoknade na štetu zgrade i inventara koja je nastala zbog redovne upotrebe.

Član 116.
(Nadoknada štete)

(1) Učenik koji namjerno ili iz krajnje nepažnje prouzrokuje štetu školi dužan je istu nadoknaditi.

(2) Ako štetu prouzrokuje više učenika, svaki učenik je odgovoran za dio štete koji je prouzrokovao.

(3) Ukoliko se ne može utvrditi dio štete koji je prouzrokovao svaki učenik, smatra se da su svi učenici podjednako odgovorni i štetu nadoknađuju u jednakim dijelovima.

(4) Ako je više učenika prouzrokovalo štetu krivičnim djelom sa umišljajem, za štetu odgovaraju solidarno.

Član 117.
(Prigovor roditelja)

Na utvrđeni iznos nadoknade štete, roditelj ima pravo prigovora Školskom odboru škole u roku od 8 dana od prijema obavještenja o naknadi štete.

Član 118.
(Sudski postupak)

Ukoliko roditelj u određenom roku ne nadoknadi štetu, škola će putem nadležnog suda tražiti nadoknadu štete.

XXI DISCIPLINSKE MJERE KOJE SE MOGU IZREĆI ZAPOSLENICIMA I POSTUPAK PREMA NASTAVNIKU KOJI JE UDALJEN IZ NASTAVNOG PROCESA KAO I NJEGOV DALJNI RADNOPRAVNI STATUS

Član 119.
(Mjere koje se mogu izreći zaposleniku)

- (1) Škola može nastavniku, stručnom saradniku i drugom zaposleniku koji čine težu povredu radne dužnosti izreći disciplinsku mjeru otkaza ugovora o radu.
- (2) Prije otkazivanja ugovora o radu iz stava jedan ovog člana škola može zaposlenika pismeno upozoriti na obaveze iz radnog odnosa i ukazati mu na mogućnost otkaza za slučaj nastavka kršenja tih obaveza.
- (3) Bliži propisi o tome šta se smatra težom, a šta lakšom povredom radne dužnosti za koje se izriče mjera prestanka ugovora o radu ili pismeno upozorenje utvrdiće se Pravilnikom o radu koji donosi Školski odbor.

Član 120.
(Organ koji izriče mjere)

- (1) Mjeru pismeno upozorenje za lakšu povredu radne dužnosti izriče direktor škole, a mjeru prestanka ugovora o radu zbog teže povrede radne dužnosti izriče Disciplinska komisija.
- (2) Disciplinska mjera za težu povredu radne dužnosti izriče se rješenjem.

Član 121.
(Sastav i rad Disciplinske komisije za uposlenike)

- (1) Disciplinska komisija ima predsjednika i dva člana, koju imenuje Školski odbor na prijedlog Nastavničkog vijeća, a na period od dvije godine.
- (2) Disciplinska komisija sastavljena je od dva predstavnika iz reda nastavnika i stručnih saradnika i jedan predstavnik iz reda ostalih zaposlenika.

- (3) Disciplinska komisija odlučuje u punom sastavu, s tim da odluke donosi većinom glasova.
- (4) U postupku utvrđivanja odgovornosti zaposlenika zbog teže povrede radne dužnosti, mora se saslušati taj zaposlenik i mora mu se omogućiti odbrana.

Član 122.

(Žalba na izrečenu mjeru otkaza ugovora o radu)

- (1) Na prvostepeno rješenje o izrečenoj disciplinskoj mjeri može se izjaviti žalba Školskom odboru kao drugostepenom organu.
- (2) Žalba se izjavljuje u roku od 8 dana od prijema prvostepenog rješenja.
- (3) Odluka Školskog odbora kao drugostepenog organa po žalbi je konačna.

Član 123.

(Razlozi za udaljenje iz procesa rada i procedura udaljenja)

- (1) Osoba koja je pravosnažno osuđena za krivično djelo koje je s obzirom na prirodu krivičnog djela, čini nepodobnom za rad s djecom, neće biti izabrana za nastavnika zaposlenika škole.
- (2) U školi ne može raditi lice koje je alkoholičar ili ovisnik o narkoticima, te lice koje boluje od zarazne i duševne bolesti.
- (3) Ako se u toku školske godine ustanovi da je nastavnik ili drugi zaposlenik škole obolio od zarazne ili duševne bolesti, da je alkoholičar ili ovisnik o narkoticima, bit će udaljen iz procesa rada i upućen na liječenje.
- (4) Odluku o udaljenju zaposlenika iz nastavnog procesa iz prethodnog stava donosi direktor škole.
- (5) Protiv odluke o udaljenju iz škole, može se izjaviti žalba školskom odboru u roku od 5 dana od dana prijema odluke.
- (6) Izjavljena žalba ne odgađa izvršenje odluke.
- (7) Školski odbor je obavezan odlučiti o žalbi najkasnije u roku od 5 dana od dana prijema žalbe.
- (8) Odluka školskog odbora donesena po žalbi je konačna.
- (9) Nastavnik koji je udaljen iz nastavnog procesa ostvaruje prava iz radnog odnosa u skladu sa Zakonom.

Član 124.

(Udaljenje iz službe za vrijeme istražnog postupka ili pritvora)

- (1) Zaposlenik škole protiv kojeg je pokrenut službeni istražni postupak ili određen pritvor zbog krivičnog djela, odnosno koji izdržava kaznu zatvora od tri mjeseca i više, udaljit će se iz službe za vrijeme trajanja istražnog postupka ili pritvora, odnosno za vrijeme izdržavanja te kazne zatvora.

(2) Zaposlenik škole može biti udaljen iz škole i ako je protiv njega pokrenut postupak zbog teže povrede radne dužnosti, a povreda je takve prirode da bi ostanak u školi dok traje postupak zbog teže povrede radne dužnosti mogao štetiti interesima škole.

(3) Procedura udaljenja u ovom slučaju se provodi na isti način kao i u članu 126. ovih Pravila.

Član 125.

(Gubitak prava na dalji rad u nastavi)

U skladu sa Zakonom o osnovnom odgoju i obrazovanju nastavnik, stručni saradnik gubi pravo na daljni rad u nastavi ako nastavničko vijeće ili drugi organi propisani Zakonom utvrde da nastavnik, stručni saradnik ne izvršavaju obaveze u skladu sa nastavnim planom i programom, Zakonom o osnovnom odgoju i obrazovanju, ovim pravilima i drugim propisima.

Član 126.

(Neizvršavanje obaveza utvrđenih Zakonom)

Pored slučajeva utvrđenih Zakonom o osnovnom odgoju i obrazovanju nastavnik može biti udaljen iz nastave i izgubiti pravo na dalji rad u nastavi ako se utvrdi da:

- a) ne izvršava obaveze utvrđene Zakonom o osnovnom odgoju i obrazovanju i ovim Pravilima,
- b) vrši diskriminaciju bilo kog učenika na osnovu toga što učenik u školi, u usmenom ili pismenom izražavanju, koristi bilo koji od zvaničnih jezika Bosne i Hercegovine,
- c) vrši diskriminaciju bilo kog učenika na osnovu vjeroispovijesti, na osnovu toga da nema vjeroispovijesti, na osnovu toga da ne pohađa vjeronauku neke određene vjeroispovijesti ili je ne pohađa uopće,
- d) izvodi nastavu po nastavnom planu i programu koji nije donio nadležni organ,
- e) upotrebljava udžbenike i nastavna sredstva koja nisu odobrena od strane nadležnog organa,
- f) ako upiše učenika koji je doselio na školsko područje bez prevodnice koju popunjava škola iz koje je došao učenik,
- g) ako fizički ili na bilo koji drugi način vrši maltretiranje učenika.

Član 127.

(Prigovor)

(1) Odluku o prestanku prava nastavnika da obavljaju neposredni odgojno-obrazovni rad u školi, na prijedlog Nastavničkog vijeća donosi direktor.

(2) Na odluku direktora nastavnik ima pravo prigovora u roku od 8 dana.

(3) Prigovor se podnosi Školskom odboru radi preispitivanja prvobitno donesene odluke.

(4) Odluka Školskog odbora po prigovoru nastavnika iz prethodnog stava je konačna.

Član 128.

(Bezuvjetan prestanak radnog odnosa)

(1) U slučaju prestanka prava nastavnika da obavlja neposredni odgojno-obrazovni rad, škola može takvog nastavnika rasporediti na druge poslove odnosno radne zadatke koji odgovaraju njegovoj stručnoj spremi.

(2) Nastavniku i stručnom saradniku iz člana 128. i 129. bezuvjetno prestaje radni odnos ako odbije da obavlja poslove, odnosno radne zadatke koji mu se ponude, a koji odgovaraju njegovoj stručnoj spremi.

Član 129.

(Raspoređivanje na druge radne zadatke)

(1) Ako nastavnik i stručni saradnik kome je prestalo pravo da izvodi nastavu, ne bude raspoređen na druge poslove, odnosno radne zadatke (zbog nedostatka odgovarajućih poslova), takav nastavnik odnosno stručni saradnik ostaje u školi najduže šest mjeseci, sa svim pravima iz radnog odnosa.

(2) Po isteku roka iz prethodnog stava, nastavniku ili stručnom saradniku kome je prestalo pravo da izvodi nastavu prestaje radni odnos u školi.

XXII POSLOVNA TAJNA

Član 130.

(Saopštavanje poslovne tajne trećim licima)

U cilju i interesu čuvanja bezbjednosti i uspješnog rada i interesa te zaštite učenika, pojedini podaci, dokumenti, isprave, planovi i drugi podaci koji predstavljaju poslovnu tajnu mogu se saopštavati trećim licima samo na način propisan Zakonom, ovim Pravilima ili drugim općim aktima.

Član 131.

(Poslovna tajna)

Poslovnom tajnom se smatraju naročito:

- a) podaci sadržani u molbama, zahtjevima i priložima građana i pravnih lica upućenih školi, kao i podaci sadržani u priložima uz molbu zahtjeva ili priloga,
- b) podaci o poslovima i drugim zadacima i rezultatima škole prije nego što ih razmatraju i usvoje nadležni organi,
- c) socijalno-moralni podaci o učenicima i radnicima škole.
- d) plan fizičkog i tehničkog obezbjeđenja školskih objekata i imovine.
- e) lični podaci o učenicima uposlenicima škole.

Član 132.

(Lice koje može saopćavati poslovnu tajnu)

Dokumente i podatke koji predstavljaju poslovnu tajnu može drugim licima saopćavati direktor škole, odnosno lice koje on odredi.

Član 133.

(Odavanje poslovne tajne)

(1) Dužnost čuvanja poslovne tajne ne prestaje po prestanku radnog odnosa. Odavanje poslovne tajne predstavlja težu povredu radnih i drugih obaveza.

(2) Ne smatraju se povredom dužnosti poslovne tajne saopćavanja dokumenata ili podataka koji se smatraju poslovnom tajnom, ako se ti dokumenti ili podaci saopćavaju licima, organizacijama i organima kojima se oni moraju saopćavati na osnovu propisa i na osnovu ovlaštenja.

Član 134.

(Korištenje podataka koji predstavljaju poslovnu tajnu)

Korištenje podataka ili dokumenata koji predstavljaju poslovnu tajnu, dozvoljeno je samo u poslovnim prostorijama od strane lica kome su ti podaci ili dokumenti potrebni za obavljanje zadataka na njihovom radnom mjestu.

XXIII OSTALE ODREDBE

Član 135.

(Odbrambene pripreme)

(1) Škola ima pravo i obavezu da u okviru svoje redovne djelatnosti organizuje i sprovodi mjere odbrane i stvara uslove za rad škole u slučaju neposredne ratne opasnosti ili ratnog stanja.

(2) U skladu sa propisima propisima o odbrani škola donosi planove odbrane radi izvršavanja svojih obaveza u slučaju neposredne ratne opasnosti ili ratnog stanja.

(3) Poslove odbrane vodi lice koje na prijedlog direktora škole, dobije saglasnost Federalnog ministarstva odbrane - Uprava za odbranu Sarajevo.

Član 136.

(Obavještanje)

U cilju što potpunijeg obavještanja zaposlenika, pojedini zaključci i odluke sa sjednica organa upravljanja, odluke, rješenja ili obavještenja, organa rukovođenja i stručnih organa škole, mogu se javno oglasavati na oglasnoj tabli škole, o čemu ti organi vode računa.

Član 137.

(Sindikata škole)

(1) U školi se omogućava djelovanje Sindikata škole.

(2) Sindikat škole djeluje u skladu sa sindikalnim pravilima.

(3) Odnosi između Sindikata škole i poslodavca, direktora škole reguliraju se Kolektivnim ugovorom.

(4) Sindikat škole ne može vršiti kolektivni pritisak na direktora za unapređivanje ekonomskih i socijalnih prava i interesa (bolji uvjeti rada, veće plaće i slično).

XXIV PRELAZNE I ZAVRŠNE ODREDBE

Član 138.
(Primjena propisa)

(1) Na slučajeve i okolnosti koji nisu uređeni ovim Pravilima, neposredno se primjenjuju odredbe Zakona o osnovnom odgoju i obrazovanju („Službene novine Kantona Sarajevo“ broj: 10/04, 21/06, 26/08, 31/11, 15/13), drugih podzakonskih akata i važećih propisa.

Član 139.
(Postupak izmjene i dopune Pravila)

(1) Ako su odredbe ovih Pravila u suprotnosti sa propisima iz prethodnog člana, neposredno će se primjenivati propisi navedeni u člana 138. ovih Pravila.

(2) Izmjene i dopune Pravila vrše se i usvajaju po postupku koji je predviđen za njihovo donošenje.

Član 140.
(Rok za usklađivanje akata)

Škola je dužna uskladiti svoju organizaciju i opća akta sa odredbama ovih pravila u roku od tri mjeseca od dana stupanja na snagu ovih pravila.

Član 141.
(Završne odredbe)

Danom stupanja na snagu ovih Pravila prestaje primjena ranije donesenih Pravila škole broj 38-II-105/05 od dana 22.06.2005. godine, Izmjene i dopune Pravila škole (broj: 38-II-540/06 od 24.05.2007.godine i 38-II-374/09 od 26.05.2009.godine).

Član 142.
(Stupanje na snagu)

Ova Pravila stupaju na snagu danom donošenja na sjednici Školskog odbora škole, odnosno danom dobijanja pismene saglasnosti na ista od strane Ministarstva za obrazovanje, nauku i mlade Kantona Sarajevo.

Broj: 38-II-227/15
Datum: 22.06.2015. godine

PREDSJEDNIK/CA ŠKOLSKOG ODBORA

/Dženana Čenanović/

SADRŽAJ

I OSNOVNE ODREDBE	2
II NAZIV, SJEDIŠTE I PEČAT ŠKOLE	3
III OSNIVAČ ŠKOLE I PRIHODI	4
IV DJELATNOST ŠKOLE	5
V UNUTRAŠNJE ORGANIZACIJA ŠKOLE	5
VI ODGOJNO-OBRAZOVNI RAD	6
VII PRAVA I DUŽNOSTI UČENIKA	11
(A) <i>Upis i pohađanje škole</i>	11
(B) <i>Ocjenjivanje učenika i opći uspjeh</i>	14
(C) <i>Pohvale, diplome i nagrade učenika/učenica</i>	16
VIII PRAVA I DUŽNOSTI NASTAVNIKA/NASTAVNICA I STRUČNIH SARADNIKA/ SARADNICA	18
IX VOĐENJE PEDAGOŠKE DOKUMENTACIJE I EVIDENCIJE	22
X STRUČNI ORGANI U ŠKOLI	23
XI ORGAN UPRAVALJANJA, RUKOVOĐENJA I KONTROLE POSLOVANJA	25
(A) <i>Organ upravljanja</i>	25
(B) <i>Organ rukovođenja</i>	27
(C) <i>Organ kontrole poslovanja</i>	31
XII SARADNJA I NAČIN OSTVARIVANJA SARADNJE ŠKOLE SA RODITELJIMA UČENIKA	32
XIII FORMIRANJE I RAD VIJEĆA RODITELJA	32
XIV FORMIRANJE I RAD VIJEĆA UČENIKA	33
XV OSTVARIVANJE JAVNOSTI RADA ŠKOLE	34
XVI ORGANIZACIJA RADA U PRODUŽENOM BORAVKU ILI CJELODNEVNOM BORAVKU U ŠKOLI	34
XVII SADRŽAJ I OBLICI DRUŠTVENE, KULTURNE I SPORTSKE AKTIVNOSTI	35
XVIII OPĆA AKTA KOJA SE DONOSE U ŠKOLI I NAČIN DONOŠENJA	36
XIX NAČIN NAPREDOVANJA UČENIKA/UČENICA I ZAVRŠAVANJE DVA RAZREDA ZA JEDNU ŠKOLSKU GODINU	37
XX ODGOJNO-DISCIPLINSKE MJERE KOJE SE MOGU IZREĆI UČENIKU/ UČENICI, PROCEDURAI POSTUPAK IZRICANJA	38
XXI DISCIPLINSKE MJERE KOJE SE MOGU IZREĆI ZAPOSLENICIMA I POSTUPAK PREMA NASTAVNIKU/NASTAVNICI KOJI/KOJA JE UDALJEN/A IZ NASTAVNOG PROCESAKAO I NJEGOV/NJEN DALJNI RADNOPRAVNI STATUS	43
XXII POSLOVNA TAJNA	46
XXIII OSTALE ODREDBE	47
XXIV PRELAZNE I ZAVRŠNE ODREDBE	48

